

乘識小錄

上冊

同治癸酉重鐫

豫乘識小錄

文耀齋刊

三韓李子和先生為琦乙卯
房師壬申春自豫移疇閩
浙浙行出一帙授琦曰是書
余偶得之板久散軼子為我
重付剞劂以永其傳琦受而



一

觀之中所紀載之教見於物
色者志惟核要紀略凡有裨
於政治實於聞見者多不具
備洵足為官是邦者之助焉

同治癸酉夏邵琦識



序

鄙性好游五岳觀其四四瀆覽其全足跡幾半天下先君子薄宦豫章余弱冠時往省親自天津登舟溯衛河南上抵臨清見漳衛滔滔自西來恨不得溯其源也既入牖按次起閉水俛首受制謂河伯何無靈哉及見汶水東來分流南北注益奇之及讀宋尙書祠碑知用白老人計在戴村用玲瓏石壩障其北流而此處又適當地脊故耳迄今以韋布配食公相不其偉與由濟寧至台莊又見所謂水櫃者而尤奇其引東岸之水潄西岸之湖以濟下游斯爲

序

一

人巧之極渡黃見清黃交匯處水自洪澤湖出一用汶上分水之法南勢卑故以閘壩層遞東鎖逼使分注於黃無異載水行高地故隄防尤重由是過淮安揚州入江乘風過金陵采石抵蕪湖安慶自湖口入鄱陽歷古來戰爭防守地依稀記史傳所載慨然四望覺古之乘長風破萬里浪者去人不遠又取道常玉山嶺泛桐廬之棹自錢唐姑蘇抵淮舍舟而陸遵大山之麓歸里繼又游秦游晉遊歷下游豫有一至者有再至三四至者每游屐所經思考其山川源委扼塞苦無書又性疎懶歸輒忘之然於其大形

勢頗自謂了了每恠近時談地理者株守故紙謂禹貢以山川紀疆域疆域有變而山川無改山卽無改川雖經流烏能無改黃河五大徙變乎不變江在唐時直至揚子橋今橋距江廿餘里又瓜洲向在水中今南瀕江馬馱沙亦洲明已創建靖江縣改乎不改卽以山言之風陵一夕湧出在永五臺周將軍名遇墓後小山崛起如列屏金雞嶺載平陸縣志近因地震陷成平地得謂之無變改乎且談形勝者據古人經行防守之地謂某宜設屯田某宜列戍戍則尤爲印板兵法無異趙括之讀父書夫奕者之觀譜

序

二

融其意以待無窮之變者上也執其說謂可取萬全之勝者愚也如知虎牢可守而不守孟津則敵人拊我之背知潼關可守而不知守蒲津則敵人擣我之虛古人不能事事告人卽詳告之亦時時有變行軍有遙受節制者多敗績以此故川流有昔盛而今微昔通而今湮者山寨有昔險而今平昔衝而今僻者晉省交城有葫蘆峪趙吉土著書稱其地險扼幾若蠶叢之難闕土寇盤踞百計平之其功甚偉近年搜逆之令下有據以入

告者檄查則童山孤立有葫蘆川爲之灌溉平田沃野居

民櫛比傳以爲笑柄又有以微山湖

在山東嶧縣境

水紕議欲引

沁入湖濟運不惟沁流不能越曹鄆之高亢而入湖卽入湖沁水盛發湖最爾地能容蓄乎溢而南出泇河以南並其傍近地不將爲巨浸乎鄭康成曰地理之學百聞不如一見信乎其爲通儒之言也今年來游汴中長夏酷暑日緡豫中志乘以爲消遣其敘述沿革多本諸一統志皇輿表頗信而有徵因節錄備遺忘又記諸名勝以待游覽其舊經過者如遇故人又時時見故案牘則又刺錄其田賦戶口之數久遂成帙因思所至之處倘皆獲賢主人假

序



三

我閒軒賞我紙墨就所見聞各成一帙亦於從政好古者不無小裨緣得諸簡牘者半得諸親歷者亦半較諸閉戶談天下事者終有間哀而存之顏曰豫乘識小錄或曰一編之中山川扼塞田賦兵制咸備矣小之云余曰傳不云乎不賢者識其小者區區不賢者也不賢者之所識則小之云爾客鞞然而退

嘉慶二十二年歲在丁丑季秋之望永清朱雲錦撰於中州藩署之半野堂

豫乘識小錄目錄

聖駕巡幸中州恭紀

田賦說

耗美章程案畧 附戶部除平案畧

戶口說

積貯說 附朱子社倉法 嘉靖新倉法 本省倉款四條 宋青苗法

漕運說 附浙洛二運說

鹽法說 附錄 鹽品

兵制說 附採辦硝磺案畧

豫乘識小錄 卷上 目錄

汴洛二都說

黃河說

淮水說

漳衛合流說

賈魯河說

嵩山說

乾隆十五年

聖駕巡幸中州恭紀

彙採各志敬纂

聖駕巡幸中州恭紀
聖駕秋八月自京師啟蹕渡漳河由豐樂鎮安陽縣過湯陰有經岳武穆祠詩並祭六至淇縣謁周文王祠祠在羨里有演易臺謁周文王祠詩並祭文及過殷比干墓詩並祭文駐輝縣百泉行宮謁衛源祠登嘯臺皆有詩又有題邵康節安樂窩詩百泉有阜莢樹甚古有奇樹詩游白雲寺有詩過修武有七賢詠晉七賢爲竹林之游相傳竹林在今修武登月山寶光寺有詩月山在清化鎮西北太行豫乘識小錄

卷上

一

山之陽有栢數萬株駐蹕竹塢亦有詩孟津渡河至洛陽游香山寺登緱山游少室少林寺寺爲達磨面壁處有面壁石嶽廟秩祀禮成登嵩山華蓋峯以上皆有詩

駐蹕開封有示巡撫鄂容安詩閱兵登吹臺台在城東今名禹王臺古名吹臺晉師曠吹律處也有詩

迴蹕仍渡河由漳河出河南境有題孔子擊磬處嵇侍中紹桐大生寺等詩至洛邑

諭祭祠廟周公廟關林唐儒韓愈宋儒范仲淹司馬光邵雍程顥程頤朱熹宋臣呂蒙正王曾至鄭州

諭告周世宗陵皆有 御製文是年經過直隸河南地方
錢糧蠲免十分之三登封祥符二縣全行蠲免又奉
旨凡經過歉收之地蠲免十分之五又撫臣鄂容安奏豫
省士民捐輸銀五十八萬有零奉

旨給還又經懇奏奉

旨留貯本省辦公凡建

行宮三百泉嵩嶽省城通志繪有圖餘座落不載

豫乘識小錄

卷上

二

田賦說

夏后氏既修六府以三壤之則成賦中邦其後殷周徹法雖有殊其實皆什一也自暴秦開阡陌而廢井田古制不可復追兩漢以下因時立制論者爲法之近古莫若唐之租庸調其法以丁爲本租者丁男十八以上給田一頃以二十畝爲永業以八十畝爲口分凡授田者丁歲輸粟二石二曰調每丁隨鄉所出歲輸絹綾絁各二丈棉二兩如以布則加五之一麻三筋三曰庸用人之力每丁歲二十日閏加二日不役者日爲絹三尺有事而加役二十五

豫乘識小錄

卷上

三

日者免調三十日調租皆免並不過五十日正孟子所謂粟米布縷力役也其簡而易明便而易行者則又推有明之一條鞭法一條鞭者總括一邑之賦役量地計丁丁糧畢輸於官一歲之役官爲僉募力差則計其工食之費量爲增減銀差則計其交納之費加以增耗凡額辦派辦京庫歲需與存留供億諸費以及土貢方物悉併爲一條皆計畝徵銀折辦於官故謂之一條鞭嘉靖間屢行屢止至萬曆間張江陵居正當國始力行之其後因四方有兵革之事三次疊加九釐今所謂九釐銀者是也

國朝順治十四年頒賦役全書於各省恭請
御製序文有曰當明之初取民有制休養生息至萬曆年
間海內殷富家給人足及乎天啟崇禎之世因兵增餉加
派繁興貪吏緣以爲奸民不堪命國祚隨之良足深鑒茲
特命戶部右侍郎王宏祚將各直省每年額定徵收起存
總撤實數編撰成帙計稽往牘參酌時宜凡有參差遺漏
悉行駁正錢糧則例俱照萬曆年間其天啟崇禎時加增
盡行蠲免地丁則開原額若干原額以萬曆刊書爲準除
荒以覆奉諭旨爲憑地丁清核次開實徵又次開起存起

豫乘識小錄

卷上

四

運者部寺倉口種種分晰存留者款項細數事事條明至
若九釐銀舊書未載者今已增入宗祿銀昔爲存留者今
爲裁運漕白二糧確依舊額運丁行月必令均平胖襖盛
甲昔解本色今俱改折南糧本折昔留南用今抵軍需官
員經費定有新規會議裁冗改歸正項本色絹布顏料銀
硃銅錫茶蠟等項收折色者照督撫所題價值開列本色
者照刊書價值造入每年督撫確察時值題明填人易知
單內照數辦解後有續增地畝錢糧督撫按彙題造冊報
部以憑核稽綱舉目張勒成一書名曰賦役全書頒布天

下庶使小民遵茲令式易於輸將官吏奉此章程罔敢苛
歛爲一代之良法垂百世之成規大哉王言真堪媲美官
禮矣伏繹序言是

本朝賦役實採用萬厯之法然明白定法後糧長里長名
罷實存諸役猝至復行愈派至崇禎時勦練之餉屢增至
末年乃有七百萬兩之多安在其守成法乎

聖朝定鼎以後明季一切累民之政旣盡予黜革徵之有
則取之有經不惟蠲緩之 詔史不絕書康熙五十二年
奉

豫乘識小錄

卷上

五

恩詔云海宇承平日久戶口日繁地畝並未加廣宜施曠
大之恩共享恬熙之樂嗣後直隸各地方官遇編審之期
察出增益人丁止將實數另造清冊奏聞其徵收錢糧但
據康熙五十年丁冊定爲常額續生人丁永不加賦欽此
欽遵在案雍正四年奉

旨以各色丁糧均派入各邑地糧之內無論紳衿富戶不
分等則一例輸將以昭畫一以垂永久又匠價亦向係另
徵乾隆三年奉

旨均攤入本邑地糧之內無論紳衿富戶不分等則一例

輪將由是地丁匠價統歸一則真所謂一條鞭矣又荒缺

之項例不補額

荒缺者謂向例所定支銀額數嗣因熟田報荒徵不及額故支領之數亦從而裁減

者而府州縣文廟祭祀缺額之銀雍正八年奉

旨在地丁內支給民壯工食缺額雍正十年奉

旨民壯工食並置脩器械每名照八兩之數支給乾隆元年奉

旨教職增添全俸又於三年奉

旨各役工食銀不扣荒缺照額全支於經費有常之中而體卹又無微不至臚陳曠典飲和食德之衆咸翹首而仰

豫乘識小錄

卷上

六

帝力矣按河南田則明洪武時以中原田多蕪命省臣議計民授田設司農司開治河南掌其事田僅二十七萬五千頃編爲魚鱗冊魚鱗冊者命官分行州縣隨糧定區區設糧長四人量度田畝方圓次以字號分書主名及田之丈尺編額爲冊狀如魚鱗又詔天下編黃冊以戶爲主詳具舊管新收開除實在之數爲四柱式魚鱗冊爲經土田之訟質焉黃冊爲繹賦役之法定焉又役法里甲除當復者論丁多少編次先後曰鼠尾冊嘉靖中田之登籍者八十萬餘頃較洪武時幾三倍至萬厯時額田九十五萬餘

頃 國初田額一仍萬厯之舊免荒徵熟除荒地二十六萬餘頃陸續報墾陞科至嘉慶十五年新修賦役全書載原額名衛更名等則地共一百七萬四千八百五頃九十三畝零除荒並豁除沙壓河占地共三十五萬四千五百七十九頃九十四畝零現種行糧成熟民衛更名等則共地七十二萬二百二十五頃九十八畝零較明中葉地額尚爲有歉然一遇偏災則蠲賑兼施

國有慶典則錢漕並免小民蒙浩蕩之恩

聖祚有無疆之慶其在斯與其在斯與今將徵支各數開列於左以備靖共者之考鏡云

豫乘識小錄

卷上

七

計開

通省額徵地丁銀三百二十五萬七千七百八十六兩零
分漕米豆價銀十七萬六千三百五十五兩零徵收本色
兌運徑行留支俸工祭祀驛站廩糧孤貧棉布牛筋價值
等項共銀三十五萬六千二百一十一兩零

徑解營鎮粳粟米麥價銀二萬五千八百八十七兩零

徑解兩河道河銀四萬三百六兩零

徑解糧道漕項銀九萬九千四百八十五兩零

徑解臬司驛站裁扣裁塘銀七萬九千七百八十五兩零
徑解江南船料銀一千六百五十七兩零

徑解陝西潼關倉銀三千五百二十九兩零

起運藩庫銀二百四十七萬四千七百五十八兩零

內分

年例應支本省官兵俸餉米折等銀四十萬餘兩

年例應支河工防險銀五十萬兩

其另案不敷無定額

年例應支撥補荒缺河銀五萬餘兩

年例應支甘餉銀四十萬兩

此外再撥部撥解無定例

年例應支河營官兵俸餉約需銀三萬餘兩

豫乘識小錄

卷下

八

年例應支刊刷時憲書工價銀一百七十兩

年例應支一切零星及年有年無欸項約需銀十萬餘兩

及三二十萬兩不等

逢鄉試年應支文武科場各項約需銀六千餘兩

逢會試年應支文武舉人車價銀約需銀二千餘兩

以上地丁項下除徑支解及由藩庫支發約共銀二百五

六十萬兩不等存庫報部候撥銀五六十萬不等其遇

閏之年通共額加銀六萬六千餘兩每欸按數加增

耗羨章程案畧

耗羨一項州縣徵收錢糧因銀色有傾銷之耗折解送有路途之盤費故於正項之外折收耗羨原無定額其分數率在加一上下嗣於雍正六年間經山西巡撫諾敏河南撫臣田文鏡倡爲提解歸公之法各督撫就本省情形酌定分數徵收以爲各官養廉及地方公事之用除所定分數絲毫不許濫徵奉

旨允准

純皇帝於雍正十三年十一月

皇帝卽位在雍正十三年九月初三日卽降

豫乘識小錄

卷上

九

諭旨耗羨一項可減而決不可增可於額內求寬而斷不可於額內多索倘於所定分數之外或又借估色或又借添戥爲名多取絲毫者該督撫卽行題參重治其罪倘督撫徇隱不舉或經科道糾參定將該督撫等一併嚴加議處欽此

乾隆五年正月內奉

上諭雍正十三年六月內曾奉

皇考諭旨將各省耗羨存公銀兩飭令清查原屬防微杜漸之至意朕嗣位之初念耗羨不同正項從前原未定有

章程且歷年已久各省規條不一官員更換亦多况復恩詔屢頒縱有挪欠亦當在寬免之列是以諭令暫行停止清查今看各省情形漸滋冒濫若不早加整頓立法防閒必致挪移出納弊竇叢生一經敗露國法難寬揆之朕愛養教誨之心固有所不忍卽經辦各員噬臍知悔已屬難追及今綜理清核亦預爲保全之道也戶部可行文各省督撫將地方必需公費分晰條款立定章程報部核明彙奏存案嗣後務將一年之內額徵公費完欠雜支同餘剩未給各數自逐一歸欸各官養廉照依正署起止日月應

將分數並扣除空缺詳悉登記其收數內有拖欠未完者分別應否着追其支數內有透動加增者分別是否應給有無挪移虧缺之處俱於歲底將一切動存完欠確數及除減半平餘銀兩造冊咨送戶部核銷如此年清年欸則民力輸將均歸地方實用而經理之員亦免罹於參處矣欽此嗣經本省撫臣議定章程咨部彙奏奉旨依議欽此今將數目開列於後

歲收耗羨銀四十二萬一千一百一十七兩零
有定各欸開後

本省各官養廉銀二十七萬一千一百五十兩一絲
吏部飯銀一千兩 戶部地丁奏銷飯銀三千六百兩
戶科地丁奏銷飯銀六百兩 戶部司務廳奏銷飯銀五
兩六錢 戶部黑鉛飯銀一千二百一兩六錢零 戶部
積穀奏銷飯銀二十四兩 禮部飯銀一千兩 兵部飯
銀一百二十兩 刑部飯銀二千兩 巡撫衙門心紅紙
張銀一千五百兩 撫院各書役工食銀一千六百九十
二兩 布政使各書役飯銀三千二百兩 經歷一員飯
銀五十兩 都事一員飯銀五十兩 庫大使一員飯銀

豫乘識小錄

卷上

十一

四百兩 直隸陝光許汝四州公費銀一千二百兩 祥
符縣工費銀二百四十兩 陳留等四十三大州縣公費
銀一萬三百二十兩 洧川等四十九中縣公費銀九千
八百兩 新安等十二小州縣公費銀二千一百六十兩
開封等八府府壇祭祀銀一百二十八兩 按察司並
開封等九府許汝陝光四州囚犯燈油柴薪銀二千五百
五十三兩 京報紙張銀三千兩 北路塘撥工料銀二
千七百三十六兩 磁州添設塘撥工料銀二百五十二
兩 安臨二縣搭折橋梁銀二百六十兩 孟縣小金堤

借埽夫工食銀四百八十兩 武陟縣河夫工食銀三百六十兩 惠濟河閘夫工食銀七十二兩 開封府新鄭縣建蓋燉臺置買民地應出正賦銀九分三厘 賫送部科奏銷冊費盤費銀六十四兩九錢一分 棉布牛筋黃蠟部飯盤費銀七百二十六兩五錢七分 戶部河南司棉布牛筋飯銀八十兩 黃蠟飯食銀一百三十六兩 緞疋庫棉布飯銀三百四十兩 顏料庫牛筋飯食銀十兩一錢一分 辦顏料布疋大使廳飯銀四十四兩 惠濟河歲修工料銀四千兩 以上有定項下三十九款歲

豫乘識小錄

卷上

三

需銀三十二萬六千五百六十兩九錢零

有定款無定數酌給銀款開後

微員回籍路費每年酌給銀二百七十七兩九錢零

試用官員薪水每年酌給銀七十九兩二錢零

遞解人犯口糧每年酌給銀一百一十七兩五錢零

獄囚棉衣銀每年酌給銀一千一百五十七兩四錢零

鄉試主考盤費三年一次每年酌留銀一百三十三兩三錢零

文武科場報銷三年一次每年酌留銀九十三兩三錢零

以上六款共酌給銀一千八百五十八兩六錢零

道其有定銀定銀三十二萬八千四百一十九兩五錢零
尚餘銀九萬二千六百九十七兩五錢零

向爲年有年無一切無定款項之用

嘉慶五年經部臣奏稱耗羨銀兩通直省四百二十萬兩
自議定章程以來已越五十餘年今昔情形不同不可不
隨時核明辦理奉

旨准行隨核裁各款六千餘兩並將核裁款項列後

一巡撫衙門額設紙張銀酌減三百兩

一試用人員薪水銀七十九兩二錢零全減

豫乘識小錄

卷上

三

一惠濟河歲修銀四千兩全減

一許州等四十州縣額設公費銀共九千兩酌減二成酌
減銀一千八百兩 許州 汝州 光州 杞縣 通許

鄆陵 禹州 滑縣 濬縣 河內 武陟 孟縣

洛陽 偃師 鄧州 淮寧 西華 太康 扶溝

鄆城 靈寶 洧川 密縣 鹿邑 臨漳 武安

輝縣 濟源 修武 溫縣 永寧 唐縣 舞陽

商水 沈邱 郟縣 光山 固始 商城 魯山

又乾隆四十七年戶部議覆各省武職養廉銀款一摺奉

旨依議欽此現在於隨年耗羨項下動支其各官額支數及總共數開後

總兵各員一千五百兩副將每員八百兩叅將每員五百兩遊擊每員四百兩都

司每員二百六十兩守備每員二百兩千總每員一百二十兩把總每員九十兩經

制外委每員十八兩

撫標兩鎮河營共官二百七十二員額支養廉銀二萬九千六百七十二兩

豫乘識小錄

卷上

戶部餘平案畧

按凡有解部錢糧每千兩隨解餘平銀二十五兩飯銀七兩俱於耗羨內動支起解至雍正八年奉

旨減去一半每千兩止隨解減半餘平銀十二兩五錢飯銀七兩雍正十二年復奉准部咨凡有解部錢糧將減半餘平並飯食照例動支起解其協撥外省兵餉及本省傾銷銀兩亦自十二年爲始將餘平飯食銀兩在於耗羨項內照數扣貯年底分晰造報酌量提解等因每年按照通省正項銀一兩扣餘平銀六厘二毫五絲遞年扣貯司庫豫乘識小錄

卷上

五

至乾隆三年復奉

上諭平餘卽係耗羨並非別有加徵解交部庫與存貯藩庫均爲國家公事之需從乾隆三年爲始將減半平餘銀兩一概停其解部卽存貯本省司庫遇有荒歉及裨益民生之務確應賑卹辦理者卽將此項奏明動用欽此每年於耗羨內扣貯減半餘平銀兩遵奉在案嗣於嘉慶五年大學士慶具奏請

旨飭交戶部通行各省將減半餘平是否歸入耗羨及有無存貯之處查明咨部核辦等因經部查明仍遵前例辦

理在案

豫乘識小錄

卷上

六

戶口說

周官司民掌登萬民之數生齒以上皆書於版獻其數於王王拜受之民爲邦本故綦重之皇甫士安帝王世紀歷紀自古至漢戶口遐哉邈乎不可稽已惟豫爲土中在周禮爲二男三女之地

列聖深仁厚澤煦育者殆二百年蕃殖旣久口數滋加是不可不詳考以誌其盛按通志順治十六年見在丁九十九萬三千一十七丁至康熙五十五年編審額管人丁並收併衛所一百八十四萬一千四百五十五丁 盛世滋

豫乘識小錄

卷上

七

生人口又五萬五千二百餘丁凡丁按三門九則定等每丁歲徵銀自八分至三兩四錢有零通徵丁銀十二萬七千四百餘兩自康熙五十二年奉

旨徵收錢糧但據五十年丁冊定爲常額續生人丁永不加增欽此雍正四年豫省撫院田文鏡題請豫省丁糧按地輸納以均賦役疏畧云丁糧同屬正供與其派在人而多貧民之累孰若攤在地而使賦役之平况 盛世人丁永不加賦則丁銀按地徵收更易爲力今就一邑之丁均攤於本邑地糧之內無論紳衿富戶不分等則一例輸將

如某縣原額丁銀一千兩攤入地銀一萬兩之內則每地銀一兩應加丁銀一錢在丁少地多之區每兩不過增之分厘卽間有丁多地少之處亦不過增之一二錢而止如此則地多之家力能輸納而無地之民得免光丁之累矣糧如有升增應將丁糧隨年另行均派攤入庶額賦無虧其有裨於國計民生實非淺鮮奉

旨允行永著爲例至乾隆三十一年編審舊管額丁並盛世滋生人口共二百六萬四千六百八十六口截至嘉慶二十一年烟戶冊共二千三百四十萬餘口近時力行

豫乘識小錄

卷上

六

保甲而編審之法卽寓其中不待料民而戶口自無漏數較定鼎時三倍過之蓋天地之氣化日趨於盛無以感其生則蕃息而未有艾也毋令敗其羣則萃處而不相害也無使游食惰窳之衆不業作而衣食其生殖蕃庶不可數計而億度也方今休養生息涵濡太和之效不彰彰哉按古用民之力有年則公旬用三日中年則公旬用二日無年則公旬用一日凶札則無力政秦用商鞅之法月爲更卒已復爲正一歲充役一歲屯戍漢初爲算錢卽今年十五以上至五十六出賦錢百二十爲一算而傳給徭役則

始自二十五至五十六而除是民之一身既稅之復役之矣其後減算錢爲六十三錢曹魏定冀州制賦戶絹二疋綿二觔晉平吳之後制賦戶調之式丁男之戶歲輸絹三疋綿三觔女及次丁男爲戶者半輸元魏令每調一夫一婦帛一疋粟二石宇文周置司役掌力役之徵凡人自十八至五十九皆任於役每年不過三旬中年二旬下年一旬起徒役無過家一人若凶札則無力徵隋初制役丁爲十二番匠則六番每番約三日俟考開皇十三年減十二番爲三十日唐制用人之力每丁歲二十日閏加二日不役者日

豫乘識小錄

卷上

九

爲絹三尺二十一爲丁六十爲老宋承諸僞國之後各路有身丁錢大正中每三丁納絹一疋其後物價貴乃令每丁輸絹一丈綿一兩元時仿唐之庸法制丁稅每戶科粟有額令諸路驗民戶成丁之數每丁歲科粟一石至五升不等後於丁稅之外又增科差之名曰絲料曰包銀絲料或二戶出絲一觔或五戶出絲一觔包銀始徵六兩旣徵四兩二兩其徵數多寡各視其戶高下以爲差明役法定於洪武元年田一頃出丁夫一人不及頃者以他田足之名曰均工夫田多丁少者以佃人充之田主出米一石資

其用非佃人而計畝出夫者畝資米二升五合以上中下戶爲三等五歲均役十歲一更造自行條鞭法通計一省丁糧均派一省徭役均徭里甲與兩稅爲一其時又有銀差力差馬差之分崇禎時河南巡撫范景文上疏曰民所患者莫若差役錢糧有收戶解戶卽銀驛遞有馬戶卽馬供應有行戶卽力皆僉有力之家充之名曰大戶究之所僉非富民中人之產輒爲之罄是前明丁役竟未畫一此歷代之大畧也夫用民力之輕者古公旬三日之法極矣然其時寓兵於農軍實戍役一辦之於民漢率口出賦算

豫乘識小錄

卷上

三

而宰相之子不免戍邊迨至後世雇役雜泛名目繁多又無可論大約賦稅必本田畝授人以田而未嘗別有戶賦者三代是也不授人以田而輕其戶賦者兩漢是也因授田之名而重其戶賦田之授否不常而賦之重者已不可復輕自魏至唐是也丁錢徭役因時所急而別立名目以取之者自宋至明是也 本朝立制以來丁銀既有定額而復均丁於地無漏遺偏枯之慮生斯世者幾不識丁徭之名蓋數千年未有之盛使天下耕田鑿井者相忘帝力於何有不獨在康衢間矣又竊計豫省

國初額報成熟之田約六十餘萬頃而行差人丁亦止九十餘萬丁按畝計之則人可得田七十畝近報墾並額田七十二萬餘頃而人數倍蓰田無遺利而人益滋繁此粟米之所以昂而百物爲之增價也當事者其抑末作崇儉質闢墾荒萊興修水利一夫之力耕旱田可三十畝治水田不過十畝而畝之所入水較旱可倍以仰佐我增

聖朝億萬年丕丕基哉

嘉慶二十一年分烟戶冊附錄

通省牌名四百七十五萬五百六十四戶

豫乘識小錄

卷上

三

共計男婦大小二千三百四十八萬一千四百九十二名口

大口一千四百一十二萬八千九百名口

小口九百三十五萬二千五百九十二名口

積貯說

漢賈生云積貯者天下之大命也洵哉王佐之言乎王制之餘一餘三以三十年之通制國用及周禮遺人掌以鄉里之委積恤民之艱阨以縣都之委積待凶荒厥制古矣未遑深論今制常平義社三倉並設各爲詳其原焉漢五鳳中歲數豐稔穀至石五錢農人少利大司農中丞耿壽昌奏令邊郡皆築倉以穀賤時增其價而糴以利農穀貴時減價而糶命曰常平倉民以爲便此常平倉之始北齊時令歲每人出義租五斗納郡以備水旱河清中齊年號令諸州郡

豫乘識小錄

卷上

三

皆別置富人倉倉初立之日割當年義租充入穀貴下價糶之賤則還用所糶之價依價糶貯隋開皇五年工部尙書長孫平請令諸州百姓軍人勸課當社共立義倉收穫之日隨其所得勸課出粟及麥卽委社司執帳檢校每年收積毋令損敗當社有饑饉者卽以此穀賑給此義倉之始宋道熙八年浙東提舉朱熹言乾道四年間建民艱食熹請於府得常平米六百石請本鄉土居朝奉郎劉如愚共任賑貸夏受粟於倉冬則加二計息以償自後逐年斂散或遇少歉卽蠲其息之半大饑卽盡蠲之凡十有四年得息

米建成倉廩及以原數六百石還府見管米三千一百石以爲社倉不復收息每石只收耗米三升請以是行於有司此社倉之始按是則常平倉者官出本錢收買以備出借平糶之用正管子所謂民有餘則輕之人君斂之以輕民不足則重之人君散之以重之法義倉則勸民捐輸社司執掌領之於官而仍藏富於民社倉則借動官穀而百姓自爲生息以息還公存餘於倉較常平義倉爲異今則常平係官自購義倉社倉之穀皆係豐年勸捐而義則兼領之於官社則專屬之於民爲小異耳

豫乘識小錄

卷上

三

國朝經制州縣各設常平社義諸倉歲儲穀米並聽所在官民捐輸備用每歲出陳易新定例常平以十分之三借民籽種遇穀價昂貴春夏出糶秋冬買補穀少之州縣卽於附近酌撥運糶而平糶之法務在各立厰所預定日期官爲監察則吏不滋擾民沾實惠社倉借民口糧視年之上下加息完倉收成七分以下者免息八分以上者加一義倉出納司之倉正官爲稽其出入俾毋侵虧有備無虞洵稱美善豫省常平倉乾隆十四年議准以二百二十一萬餘石爲額其時有溢穀三十五萬九千餘石除陸續

糶賣歸價外仍餘穀十四萬餘石經巡撫阿公思哈奏准照舊存倉免其變價以與常平社穀通融出陳易新又豫省州縣倉穀之外各府又設有府倉貯穀自萬餘石至二萬石不等係知府自行經理又經阿公奏請將府倉改歸首縣以免派賣包交諸弊又乾隆三十年准戶部咨稱馬蘭鎮官員兵役應領粟米改支折色其豫東二省所運薊糧應行改米折銀經巡撫阿公以各州縣應交之糧已運至水次奏請撥存附近之湯陰等縣收倉存貯其正耗行月等糧三萬餘石隨時糶借按一米二穀例易穀還倉名

豫乘識小錄

卷上

一

曰薊倉又有漕米州縣各建有漕倉南陽府裕州有拐河屢次報墾加倍輸租建有拐河倉惟常平社義三倉各府所屬州縣皆具今將其應行存貯穀石總列於左嘗閱豫省通志其倉庾一門引言曰常平社義三倉之法俱用糶賤糶貴出陳易新使民無匱食之憂而國有先時之蓄法至美也惟奉行不善或疎於稽核而胥吏有中飽之慮或怠於蓋藏而粟米有紅朽之患或挪移別用致耗散而積貯漸以無餘或謹守筭鑰徒囤藏而實惠不能及下其弊易滋其蠹甚大然知其弊之所在而防弊之法卽在此矣

倉貯穀目數

社穀歸民管
理無額貯數

通省貯穀三百八萬六千九百九十九石二升內常義倉
貯穀二百七十三萬九百九十九石二升薊倉額貯穀三
十五萬六千石內分

開封府屬各廳州縣常義倉及首縣收併府倉額貯穀四
十四萬一千石薊倉共額貯穀二十二萬六千石

歸德府屬各州縣及首縣收併府倉共額貯穀二十三萬
二千石

彰德府屬各縣常義倉及首縣收併府倉額貯穀一十八

豫乘識小錄

卷上

三

萬三千石薊倉貯穀六萬石

衛輝府屬各縣常義倉及首縣收併府倉及薊倉額貯穀
三十六萬石

懷慶府屬各縣常義倉及首縣收併府倉及薊倉額貯穀
二十七萬七千石

河南府屬各縣常義倉及首縣收併府倉及薊倉額貯穀
二十四萬五百石

南陽府屬各州縣常義倉及首縣收併府倉額貯穀二十
八萬二千石

汝寧府屬各州縣常義倉及首縣收併府倉額貯穀二十
二萬六千四百九十九石二升

陳州府屬各縣常義倉及首縣收併府倉額貯穀一十九
萬八千石

許州併屬各縣常義倉額貯穀一十二萬五千石

汝州併屬各縣常義倉額貯穀一十萬五千石

陝州併屬各縣常義倉額貯穀十萬六千石

光州併屬各縣額貯穀一十二萬五千石

又附古今社倉法

豫乘識小錄

卷上

三

朱夫子社倉法

凡借貸者十家爲甲甲推一人爲首五十甲則本倉自擇
一公平曉事爲社首正月告示社首凡有藏匿逃軍及作
過無行止人互相覺察其有稅錢衣食不闕者並不入甲
仍問人戶願與不願入甲開具一家大人若干口小兒若
干口大人一石小兒減半五歲以下不預甲頭社首親自
審訂虛實取各人親手押字類聚齊備齎赴本倉再自審
其無弊然後逐一排定甲頭寫上都簿明載某人借若干
石依正簿給關社首與甲頭收執請穀仍分兩時支散初

當下田時次當耘耨時秋天成熟還穀不得過八月三十日穀濕惡不實有罰

明嘉靖新倉法

社倉民二三十家爲一社擇殷實而有行義者爲社首處事公平者一人爲社正能書算者一人爲社副每朔望會集別戶上中下出米四斗至一斗有差斗加耗五合上戶主其事年饑上戶不足者貸糴稔歲還倉中下戶酌量賑給不還倉有司造冊送撫按歲一察核

乾隆二十一年戶部議准河南巡撫圖 條奏豫省社倉

豫乘識小錄

卷十

三

規條四則

一奏稱社倉亟應添建也查豫屬社穀已積至六十萬四千石請按穀一千石設倉一所每所三間以二間貯穀一間空留以爲盤量存放器具之用並照江蘇之例設立看夫一名所需工料銀兩動支息穀變價辦理

一奏稱社長宜酌增歲費也查正副社長掌管倉糧稽查出入必須請人幫助並一切紙張薪水等項請照江南福建二省之例於息穀一斗內扣除二升除看倉夫每名歲給五石以作飯食外餘爲正副社雜項等用如遇歉收免

息准其於上年餘息內支給仍將每年支給各數附于社倉冊內聲明報部如社長仍有徇情濫借出入不公霉變等弊所虧糧石着落賠補如社長通同倉夫挪移花銷致有虧缺者照監首自盜律分別首從治罪

一奏稱社穀應按地畝酌借也查福建定例出借社穀係按田畝多寡酌定穀數分別借給復令五人作保請照閩省之例按畝借給至告借之戶應令地保將借穀領狀照門牌式樣脩載借戶居處人口庄農鄰佑等項並令五人作保如借戶並無產業保人混行保借無力還倉着落保人分賠若因年歲荒歉緩徵挂欠迨後原借之戶人產俱無無可着追此非社長之故亦非五人互保不實所致所欠糧石例得豁免

豫乘識小錄

卷上

天

一奏稱州縣宜定考成也查社倉定例收掌在民稽查在官請嗣後如有社長侵蝕虧缺該州縣官朦混詳報實貯經上司或接任官查出揭報或別經發覺查係知情故縱者將州縣官題叅照徇情例降二級調用其虧空穀石先於社長名下勒限一年著追如能限內全完本官准其開復如不能全完將社長治罪發落未完穀石着落本官賠

補能於一年內全完者亦准開復其頭戶拖欠社長稟請追徵而州縣故縱以致逃亡無着者亦着實縱之州縣賠補州縣盤驗社倉倘有吏胥藉端需索者許該社長立即首告究處

宋青苗法

神宗熙寧二年制置三司條例司請以常平廣惠倉現在斗斛通融轉運司苗稅及錢斛依陝西青苗法例願豫給者聽之令隨稅納斗斛內有願請本色或納時價願納錢者皆許從便如有災傷許展至次科豐熟日納非惟足以

豫乘識小錄

卷上

三

待凶荒民既受貸則轉運之家不得乘新陳不接以邀倍息從之時蘇轍謂以錢貸民使出息二分本非爲利然出納之際吏緣爲奸法不能禁錢入民手非良民不免非理費用及其納錢雖富民不免違限恐將來鞭笞必用州縣多事按青苗法與社倉無異然不專以穀而以錢且領之於官不倚辦於民故適足爲厲階也

漕運說

禹貢志九州除冀州帝都外每州未皆系以貢道緣諸侯封建各食其土天子畿內之制納粟納米等於列國列侯各貢其土之所宜而已故有貢道而不言運道也自漢以後乘輿所在官廩兵精仰給太倉百倍郡國非輓運不能濟而漕事詳運道重矣漢都關中引渭穿渠至河以行漕東漢至晉都洛陽修汴渠或鑿陝南山決河東注洛以行漕隋沿河置倉唐亦置河口輸場分運入河洛時則自江達淮自淮達汴自汴達河而洛而渭而專以河爲急宋都大

豫乘識小錄

卷上

三

梁爲四河以通漕而汴河運米至七百萬石於時東南則由淮入汴西北諸路則由洛入河達汴而專以汴爲急元明都燕京元行海運而亦分道涉江入淮由黃河逆水至中灤陸運至淇門卽淇縣入御河卽衛河以達京師明永樂中亦運至陳州載入黃河至新鄉入柳樹等處令河南車夫運赴衛河蓋以水運兼陸運而其時又以衛河爲急明世會通河成而東南重運歲漕四百六十萬石悉由淮北山東至臨清合衛水以達天津

本朝仍循舊制疏濬益利而章程益肅矣押運之用衛所

弁丁者明季設衛全資操防又用餘丁以挽運

本朝革除衛所而輓運則仍用明季所籍軍戶故

國初時猶有世職押運者雍正間始全裁汰糧有正改兌及搭解等名漕糧之交京倉者謂之正兌交通倉者爲之

改兌搭解者或係緩徵及另採辦備用官丁有行月糧月

二糧本折各半折有漕贈銀米漕贈各省名目不同江南

色每石折銀八錢謂之漕贈浙江謂之漕截

江西湖廣謂之貼運山東河南謂之潤耗有輕賫折米銀

每兌正米一百石外加銀五兩米五石

輕賫者每正米一石加耗米若干耗米交本色外餘米折

銀折米銀者改兌米每石加耗米若干交正色外餘亦折

銀各省則例不同豫省正米一石加耗四斗一升四斗四

升不等皆餘一斗六升每斗折銀八分謂之一六輕賫改

豫乘識小錄

卷上

三

米每石加耗米一斗七升俱徵本舵水則有身工每帮有

色江廣省除隨船作耗餘米折銀

運弁管押統以糧道總領於漕帥此通漕大畧也河南糧道屬原無衛所俱係派撥直隸山東江南衛所官丁船隻協運其在河南支領行月糧者每官丁行糧二石四斗每丁月糧九石六斗照例本折各半凡有增減船隻照例扣給其州縣漕糧則附近水次者徵本色兌運穀米麥豆時奉文酌改離水次較遠之州縣惟徵漕項銀兩徑解糧道以爲運費水次則初在衛輝府城繼改小灘五陵鎮等處今則統歸內黃之楚旺鎮其期限則於十一月兌齊開至

臨清守凍明歲春融北上正改兌外又有協撥天津密雲
良鄉固安等處之兵米皆係雇船運送較江浙等處運務
多有不同者然一路平流無長江大湖之險無閘壩守候
之艱又其往返皆在春末夏初尙無異漲洪流是以抵通
絕少逾限而司事者較易爲力云今將正改米數並撥運
船隻漕項數目約著於後至其子數則有司存

徵運米石漕項

額徵漕米麥豆二十三萬七千五百九十石零內除本省
兵米支軍等三萬五千七百三十餘石實剩起運正耗米

豫乘識小錄

卷上

三

麥豆二十一萬一千八百六十石零內又除運交津密良
固等處俸米兵米三萬五千一百九十一石零實交通倉
正耗米麥豆一十八萬六千六百六十九石零漕項銀額
徵十一萬九千九百二十四兩零糧銀並徵者 祥符

陳留 杞縣 通許 尉氏 洧川 鄆陵 中牟

蘭儀 鄭州 滎陽 滎澤 汜水 禹州 密縣

新鄭 商邱 寧陵 睢州 安陽 湯陰 臨漳

林縣 武安 涉縣 內黃 汲縣 新鄉 輝縣

獲嘉 淇縣 延津 滑縣 濬縣 封邱 考城

河內 濟源 修武 武陟 孟縣 溫縣 原武
陽武 洛陽 偃師 鞏縣 孟津 登封 太康
扶溝 許州 長葛 共五十三州縣餘州縣皆以離水
次寫遠只徵漕項銀云

起運船隻

臨清前臨清後 平山前平山後 徐州前徐州後六帮
共軍船三百六十七隻

通州天津德州左任城等五帮有自備船一百四隻共船
三百七十一隻其洒帶官俸兵米另雇船三十二隻上三
豫乘識小錄

卷上

三

項船每船約裝米五百餘石

河浙二運說

余既畧考豫省漕運而爲之說又檢漕運則例暨開封府誌有河運浙運二事用節錄以備參考云康熙三十一年奉

上諭陝西西安二府屬去年被災應將本年漕糧截留二十萬石交與靳輔作何區畫雇覓船隻自黃河運至山西蒲州等處備賑欽此嗣議水運則自江淮以遡黃河達孟津陸運至蒲州境由考城抵滎澤水勢奔注猶人力可施駐滎澤以待點勘其上河益險道廣武山扼入甸水與山

豫乘識小錄

卷上

三

爭流益急且岸皆峭峻仄不容足纜挽莫施距孟津之程無幾尺移寸徒必數十日而後達又甚危而陸運夫車守候孟津既久費竭力敝糧儲叅政祖文明以運艘歷境緣兩岸上下經紀其事經洛汭見洛水平且滿已欲用之至是因舟車苦累具詳河撫謂由河入洛乘安流至偃師之孫家灣與孟津陸運之道無殊河撫委勘真確遂檄滎澤諸舟於邑入洛檄孟津車輛於孫家灣候載檄洛濱州縣備刮板疏沙集小船候起撥一時水陸歡呼而糧運以集計河運者自夏抵秋僅八萬餘石洛運者匝月至十有三

以餘石舟不耽險車不曠日人力工費所省實多冬又奉
上諭再運粳米以濟秦饑水程由豫之浙川
命大臣監理發官價惟恐以秦累豫乃米數計二十萬石
山河險僻措置惟艱先是秦之饑也

皇上特恩撥漕以賑令楚豫協力陸運繼楚惟協銀而以
勞委之豫斯役也又將循舊轍焉藩司李國亮毅然執之
謂孰非

朝廷赤子可使豫民獨瘁乎當事者遂爲調停之計乃楚
豫分運漸既上水淺狹多灘僅可行所謂扒河船者且船
濼乘識小錄

卷上

三

亦無多於是造船挑淺過載堆貯蓬廠工役物價口糧皆
取備倉猝間據開封府等議詳凡需船二千隻頭舵絳夫
萬二千人船鋸鐵等匠三千六百人挑濬夫四千人更需
八府一州提調催僨李公復之巡撫共計其宜令四府一
次輪流督運後運至五萬餘石奉

旨停運惟

朝廷以一視同仁之意移有餘以補不足所謂佚道使民
雖勞不怨者然非祖觀察創由洛之議李方伯有協運之
爭則大梁民力竭矣此二君者洛中士民所宜尸而祝者

備著顛末亦以爲考古者之鏡云

豫乘識小錄

卷上

美

鹽法說

豫州地處中土各屬仰食長蘆山東淮北河東之鹽各就所近之處分地定引無相踰越長蘆鹽行於豫者凡二十六萬九千三百三十引其地則開封衛輝懷慶彰德陳州許州各府州屬及南陽府屬之舞陽縣價則每觔自二十六文至二十八文山東之鹽九萬二千二百六十引其地則歸德府屬及衛輝府屬之考城縣價均二十七文淮北鹽共七萬七千七百三十八引行於汝寧光州及所屬縣價每觔銀自三分三厘至四分一二厘不等河東之鹽行

豫乘識小錄

卷上

三

於河南南陽汝陝府州屬及許州屬之襄城縣查池鹽向歸地丁辦理自嘉慶十二年歸商辦運引鹽尙未定額按舊額七萬九千一百四十引價每觔自十九文至三十二文不等凡商運到境將引呈該管州縣驗明每引註明行銷年月截去一角鈐蓋印信奏銷時據此爲驗州縣督銷不完咎在州縣商人不敷引額罪在商人並免其由府造報令各州縣徑報鹽道查核彙冊移送運司轉送鹽政衙門奏銷此河南通省行鹽之大畧也考宋時兩池潁鹽最盛京東之濟兗曹濮京西之滑鄭陳潁汝許淮南之宿亳

州河北之懷澶及諸縣之在河南者皆食之明時河南之汝寧南陽河南三府及陳州食淮鹽其歸德懷慶河南汝寧南陽五府及汝州兼食解池鹽彰德衛輝食長蘆鹽萬厯間黃河以南鹽價騰踴私販甚衆各執利器往來自如官軍莫敢誰何御史李戴奏曰私鹽之衆由官鹽之不行然官鹽之所以不行者有三河東鹽花之生太減往昔取數不盈一也山路崎嶇轉運不便二也商人因腳價之重不攪和不足以償本沙土參半味苦不佳三也官鹽價重味苦民又不堪淡食故私鹽日衆今欲驅鹽徒使不爲害

豫乘識小錄

卷上

三

亦惟於鹽法加之意耳蓋河北彰德衛輝長蘆行鹽之地也河南之汝寧陳州兩淮行鹽之地也鹽徒在北者取之長蘆在南者取之兩淮是河南五府名屬河東所食者實兩淮長蘆之鹽莫若量爲變通近北者分屬長蘆近南者分屬兩淮近西者仍屬河東庶鹽行旣便其價自減私販者不禁而自息於時議定開封歸德衛輝懷慶食長蘆鹽河南南陽汝州食河東鹽汝寧及開封所屬之陳州商水項城沈邱西華南陽所屬之舞陽與光州光山商城固始息縣食兩淮鹽

國朝鹽法一依明制今惟陳州四屬及舞陽一縣康熙二十六年改食蘆鹽而地界始定竊謂鹽者本天地自然之利所以養人在古人樸事簡故古聖藏富於民不肯徵權其利自井田制廢豪強兼并若不置官領之則豪勢恣其佔處游惰藉以藏身其弊有不可言者故太公封齊管魚鹽之利漢武開邊置鹽鐵之官其事古矣謹採其法之善者著之唐劉晏爲鹽鐵使上鹽法輕重之宜以鹽吏多則州縣擾出鹽鄉因舊置吏三戶旣糶與商人以後則縱其所之江嶺間鹽遠者有常平鹽每商人不至則減價以糶

豫乘識小錄

卷上

三

官收厚利而人不知貴諸道有權鹽錢商人舟車所過有稅晏奏罷之晏之始至也鹽利纔四十萬至大歷末六百餘萬緡宋有兩稅鹽錢免鹽之權而均諸稅以夏秋兩季同地稅徵收然惟行之河北京東諸路則行蠶鹽其法賦入以鹽而徵其稅如先課其桑後徵其絲故謂之爲蠶鹽明有開中法開中者仿宋之折中而爲之其法令商人於大同倉入米一石太原倉入米一石三斗給淮鹽一小引四百觔爲大引二百觔爲小引商人鬻畢卽以原給引自赴官司所在繳之其各行省邊境多有商中鹽以爲軍儲鹽法邊儲相輔

而行中視時緩急米直高下編置勘合發各布政司及
司衛所商納糧年書所納糧及應支鹽數齎赴各轉運提
舉司照數支鹽鬻鹽有定所犯私鹽者罪至死造引者如
之鹽與引離卽以私鹽論挾以上諸法如劉晏之制則官
坐場收利無轉運舟車之勞無官給之費於寫遠之處又
有常平鹽以濟其不及則民亦無淡食之虞矣宋兩稅鹽
錢卽近時課隨地徵天下無不食鹽之人卽無不供課之
人而私梟不除自去矣明開中之法則不待飛輓而粟積
於邊晁錯積粟塞下之法特彼以爵此以鹽不同耳屯

戍之卒無開口仰食之患而邊備固矣方今鹽筴之法盡
美盡善上下奉行已久然古之良法美意不可不表而出
之以爲因時制宜者之一助云

河東鹽法備覽內一則敘鹽品甚詳附錄於左

九有之鹽品類甚夥大約生於天而成於人陰爲體而
陽爲用故有煮海而成者蘄遼山東兩淮廣南閩浙是
也有挹水於井法同煮海者西蜀滇黔之鹽是也有挹
水沃土或值雨過白土刮淋漉煮而成者河北營井之
鹽是也有崖租崔巍雨滋日暎積如繁霜刮取卽充食

者階成蘭鳳之鹽是也更有龍成剛鹵形似蒺藜其下有鹽累碁而生如異物志所云者巴東胸臆井在北崖鹽水自凝中突邊鋪如陶宏景所云傘子鹽者再有木鹽依樹蓬鹽依草是鹽爲天地自然之美利要非一氣氤氳熏蒸之久者不能獨此解池曬取畧與廟灣花馬池之法同而薰風自南功成一夕功效神速矣

兵制說

河南居天下之中在古爲用武之地歷代設重兵屯鎮宋都汴無險扼可守畿甸宿衛常用四十萬人明制直省總兵官凡二十有一天啟間又設副總兵十五而豫省不與焉豫惟設守備二薊鎮班都司四而已額兵僅七千明末流寇入豫時昌平總兵左良玉保定總兵鄧垹專辦河南勦務以兵少不支命倪寵王樸爲總兵領京營兵六千赴河南以良玉李卑署都督僉事爲援勦總兵官河南始有總兵而明社屋矣有明兵制設衛置屯因屯列卒大率度

豫乘識小錄

卷上

聖

要害地係一郡者置所係連郡者置衛以五千六百人爲衛千一百二十人爲千戶所百十有二人爲百戶所河南都指揮使司共轄衛二十有二千戶所五十八百戶所五百八十守禦千百戶所九管屯田四萬五千餘頃屯糧二十七萬四千餘石平時則調赴京操及宣府大同榆林等邊操征伐則命將充總兵官調衛所軍統之事竣則上所佩印官軍各回衛所一如唐府兵之制迨宏治以後狃於承平卒伍多廢弛至土木之變少保于謙創立團營簡精銳一號令俾兵將相習其法頗善至末造衛所之兵困於

番上京師之旅虛於占役兵制大壞而國祚隨之矣
國朝定鼎初尙沿明舊設援勦總兵官一鎮守開歸等處
總兵官一盡裁衛所之制繼又因地立防以河北爲豫省
肩臂南陽爲天下腰膂特設兩鎮臣分汛防守重以巡撫
節制撫標設左右二營又簡禁旅設駐防省會握中權之
要北固覃懷以扼澤潞而西北無拊背之虞前臨唐鄧以
控荆襄而南鄙無竊發之患星羅碁布輕重相維干城之
寄重而磐石永奠矣

附兵制

豫乘識小錄

卷上

三

巡撫兼提督駐劄開封府標下左營叅將一員守備千把
總九員共馬守兵九百九十名右營守備一員千把總九
員馬守兵九百八十九名二營每年共額支俸餉米折馬
乾等銀四萬三千三百餘兩

歸德營駐劄商邱縣叅將一員守備一員千把總六員馬
守兵六百三十名每年額支俸餉米折馬乾等銀一萬三
千三百餘兩

滿洲駐防營駐劄省城內滿洲城防守尉一員管理滿洲
八旗蒙古左右翼每旗翼各設佐領一員防禦一員

校一員經制兵丁八百名乾隆二十二年奉
旨歸本省巡撫節制每年額支俸餉米折馬乾銀十萬六
千四百餘兩

南陽鎮駐劄南陽縣總兵官一員共轄十一營額設馬守
兵五千八百七十名每年額支俸餉米折馬乾等銀十三
萬一千六百餘兩左營游擊一員守備一員千把總六員
右營都司一員千把總五員二營額設馬守兵一千六百
一十八名汝寧營駐劄汝陽縣城叅將一員守備一員千
把總四員額設馬守兵四百九名光州營駐劄光州城都

豫乘識小錄

卷上

四

司一員守備一員把總二員額設馬守兵三百六十三名
襄城營駐劄襄城縣城都司一員千把總六員額設馬守
兵六百一十五名陳州營駐劄淮寧縣城都司一員千把
總五員額設馬守兵四百二十三名鄧新營駐劄鄧州城
游擊一員守備一員千把總四員額設馬守兵八百七十
三名信陽營駐劄信陽州城守備一員千把總三員額設
馬守兵三百六十九名荆關營駐劄荆關城副將一員都
司一員千把總四員額設馬守兵三百九十六名荆關右
營守備一員駐劄荆子關城千把總三員額設馬守兵三

百九十六名荆關盧氏汛駐劄盧氏縣守備一員千把總各一員額設馬守兵三百九十八名

河北鎮駐劄河內縣城總兵官一員轄開封等十一營額設馬守兵五千二百六十六名共額支俸餉米折馬乾等銀十一萬五千八百餘兩左營游擊一員守備一員千把總六員右營都司一員守備一員千把總五員兩營額設馬守兵一千四百八十三名衛輝營駐衛輝府城叅將一員守備一員千把總五員額設馬守兵五百五十二名河南營駐劄洛陽縣城叅將一員守備一員千把總五員額

豫乘識小錄

卷上

聖

設馬守兵五百九十七名開封營駐劄祥符縣城游擊一員千把總五員額設馬守兵六百八十六名彰德營駐劄彰德府城叅將一員守備一員千把總五員額設馬守兵六百五十四名內黃汛駐劄內黃縣城都司一員千把總各一員額設馬守兵二百九十八名陝州營駐劄陝州城都司一員千把總四員額設馬守兵三百一十六名嵩縣營駐劄嵩縣城孫家店守備一員把總二員額設馬守兵一百六十七名王祿店營駐劄滎澤王祿店守備一員額設馬守兵一百三十八名滑縣營駐劄滑縣城都司一員

千把總四員額設馬守兵三百七十五名
外尙有懷豫河營官兵因無關操防故不採錄

豫乘識小錄

卷上

吳

採辦硝磺案畧

硝磺二種爲軍火要需亦匠藝之所必用各直省有二物並產者亦有硝磺俱待購於鄰省者立禁綦嚴而夾帶透漏之弊仍所不免乾隆八年奉

上諭硝磺爲邊關嚴禁之物久有定例聞各省沿邊口隘奸民嗜利往往勾通守口兵役夾帶出口以圖重利又聞準噶爾境內不產硝磺每令內地往來之番夷喇嘛私偷夾帶出重價購買各督撫提鎮當時刻留心嚴飭文武員弁一體實力搜查以防偷漏再遣委員於口隘之外細行

豫乘識小錄

卷上

三

訪查如有出產硝磺之處作何設法防範毋得稍有疎忽該部卽行文各省督撫提鎮等知之欽此經本省巡撫碩公議稱召募殷實之人願開官硝店者悉如官鹽店之式准其報官開設零賣硝飭聽其照時價收買官爲設循環印簿稽查出入貧民既可隨時售買官硝又可尅期辦交經部議允准立店遇有採辦官硝及木地匠鋪零用務須驗明印票始行發買現今來豫辦硝者止江西浙江兩省每年委員賈批填明數目赴省購辦一次本省產硝之區需用時自行採辦外其不產硝之區傾銷銀兩及花鋪所

需本管州縣查明匠鋪共有幾家每年需用硝觔若干造冊詳報到藩司發給印票購竣之日即將印票呈繳本處送司查銷至本省產磺處所惟河內縣李封等村有廢窰六座出產銅核於乾隆三十一年經議將廢窰編設天時地利人和六字號先行開採天時二窰安爐四十座每年採煉一萬五六千觔每觔價銀四分以備本省及山東各標營配製火藥並民間花炮等用五十四年因天時二窰產核已竭請遞開地字窰採煉嗣於嘉慶元年湖北逆匪滋擾各省官兵會勦籌備軍火急需磺六萬觔地字窰挖

豫乘識小錄

卷上

吳

採多年產核已經微細又需用多而且急因詳部並開利字窰以資接濟現尙地利二窰並開原詳章程只准豫東二省各營匠鋪買用本省撫標滿營南北鎮買磺及山東各營並匠鋪來豫買磺之案均係由撫院行藩司轉飭地方官照批賣給其本省匠鋪買磺與買硝同按字書謂硫磺係陽氣入地遇陰凝結而成者故其性慘烈各山溫泉多有硫磺氣者傳其下卽磺磺云河內在太行之陽其陰卽山西之陽城兩地俱產磺陽城產地係縣東之東冶山

今澤州府同知駐

然陽城每歲可燒煉十一萬餘觔而河

車攔鎮專司其事

內僅得萬五六千觔其旺弱相懸若此且查晉省明中丞
疏稱用礦燒礬爲時不須半夜得礦易而煎煉不難故其
價每觔二分豫省設爐四十座以終歲計之每爐止得四
百觔耳得無以地處四達之區又無專轄之員經理故不
如晉省之辦理完密與至李封等村六密之外猶有備採
之處否或廢密閉久仍能產毓銅核守土者皆當留心云
其硝礬俱有省分則直隸山西河南湖南湖北廣東甘肅
四川雲南貴州凡十一省有硝無礬省分福建廣西山東
陝西江蘇安徽凡六省有礬無硝省分浙江江西凡二省

豫乘識小錄

卷上

巽

附誌篇末用備參稽

汴洛二都說

豫州之故都曰洛曰汴汴則四面平衍藉兵爲衛昔宋藝祖欲遷都於洛太宗以勞民力諫太祖曰非惟都洛終當向長安耳終以衆諫而止嘆曰百年之後民力盡矣迄宋之代環畿屯衛之軍凡四十萬人靖康之禍金人長驅直入此無險可守之驗也洛則東成臯南伊闕西函谷北孟津四塞險固居中制外周公營洛固取天下道里適中亦以形勝莫尙也然從來論者謂洛陽四面受敵爲天下所必爭兵法所稱衢地者是也不可居夫天下有事所以必

豫乘識小錄

卷上

辛

爭洛陽者正以洛陽形勝爭洛陽卽以爭天下耳周公之東征也先居東都宣王之中興也講武東都秦以函谷澠池之險旣得宜陽韓又獻成臯鞏而遂以蠶食諸侯漢高之制楚也以據成臯鞏洛之險五代唐宋以來莫不爭險奪隘於洛陽扼要之地以取天下是豈不可據而有而姑以爭之耶特無可以制天下之命者而欲區區據洛陽形勝以號召天下則不可所謂制天下之命者有二一曰德一曰勢德有盛衰周公營洛而治平王遷都而弱者是已勢有強弱秦以據險而興韓以據險而亡者是已夫德盛

者險不足言其據險以爭而其得失勝敗關於勢者又不
能一言而盡方輿紀要

本朝顧祖禹著

云守關中守河北乃所

以守洛陽也自古及今洛陽之患由於關中者什之七由
於河北者什之九秦以關中并韓魏漢以關中定三河符
秦以關中亡慕容燕宇文周以關中亡高齊謂關中不足
以制洛陽之命乎元魏之祖爾朱榮自河北來爾朱兆自
河北來高歡自河北來安史以河北倡亂而洛陽兩見破
陷存勗發憤太原而朱梁卒爲夷滅謂河北不能制洛陽
之命乎此言洛陽不可孤立必先得關中或河北洛陽乃

豫乘識小錄

卷上

五

可據而有故漢高先定關中乃保成臯光武先定河北乃
事洛陽欲守洛陽者未有無關中河北之固而可以獨存
此其大勢也其或以洛陽定關中則必與關中爭崤函之
險春秋晉敗秦師於崤崤屬晉也漢赤眉自三輔引而東
馮異大破赤眉於崤底崤屬漢也洛陽西有崤險再西而
守函谷之險則關中失其險矣唐李光弼不守洛陽而守
河陽河陽洛陽北關也守河陽以制河北而河北失其險
矣善守險者制人而不制於是又方輿紀要所未及者
也大約洛陽之險可用以進取而不可守以待弊可以制

一面之騷動而不可以支四方之攻圍或守之而不足以當天下之爭而爭之卽以制天下之命母謂四面受敵遂與四面平行者並稱而置洛陽險要於不講也 考古稱峭函之險按水經注峭有盤峭石峭千峭之名故曰三峭元和志自東峭至西峭三十五里東峭長坂數里峻阜絕澗車不得方軌西峭純是石坂十二里險不異東峭此二峭皆在秦關之東漢關之西輿地紀要二峭山連入硤石界自古險要之地楊升庵名慎四川人明狀元地名考二峭正義曰俗名石峭土峭其後轉爲石壕土壕杜子美有石壕吏詩

豫乘識小錄

卷上

三

今澗池猶有土壕鎮又有峭底關在永寧縣西北卽峭谷之底也一曰峭坂函谷關有秦漢之別秦關在今靈寶縣

漢武帝元鼎三年作函谷關於新安

在新安縣城北二里臨澗水 時樓

船將軍楊僕數有大功耻爲關外民上書乞徙東關以家

財給其用度帝意亦好廣澗於是徙關於新安去弘農今靈

寶三百里按關名謂置關谷口故曰函谷故關恰據谷首

谷僅通車逕逶迤數十里故曰一夫當關萬夫莫開若漢

所移建之處雖亦踞岡阜而傍無障塞不惟六國無所用

其仰攻卽田文潛度奚待雞鳴之客哉又有古轅轅關長

坂十二曲道將去復還故曰轅轅在偃師縣西南三十里

左少室右太室自古為控守地河陽在孟津有三城一在

河北岸一在河南岸一在中渾中渾者如今河中洪之漲灘中渾隨水長落而不沒

故可城今亦陷於水云三城互援如指臂然唐史思明陷汴鄭將進

逼洛李光弼退守河陽賊雖據洛而憚光弼襲擊南不出

百里西不越畿內陝州得修戎備關中藉以無虞光弼守

河陽之力也今城雖湮而北孟縣南孟津均稱控制要地

又漢靈帝時置八關都尉皆環洛陽近畿函谷在新廣成

城在新伊闕在洛陽南大谷今洛陽水泉口轅轅今嶠領口旋門在成臯西南十餘里與鞏

豫乘識小錄卷上 五

接舊屬孟津小平津今入鞏孟津詳誌其地以備讀史者之參稽

焉

黃河說

史記河渠書謂河所從來者高水湍悍難以行平地乃北載之高地誣哉斯言河行平地尙決溢豈行高處反順流乎禹亦第能順水性耳烏能強之使行高地哉禹貢所紀底柱孟津洛汭俱在今河南一府之地河出秦隴之險固安驅於西山金隄之間未嘗橫流中原一步歷周定王漢明帝時海口屢易在豫境乃未失其故武帝時塞決河作歌曰嚙扶桑兮淮泗滿亦幾幾有南流合淮之勢賴其時障而北之而梁楚復寧歷東漢至隋唐迄無大患金明昌

豫乘識小錄

卷上

書

五年河決陽武東注梁山灤分爲兩派一由北清河入海

一由南清河奪淮入海

卽今河道

元至元中河徙陽武南奪渦

入淮泰定時改從汴渠至徐城東北入泗入淮明宏治河決荆隆口踰黃陵岡東經曹濮至張秋入運河命劉大夏等治之遂塞荆隆口治黃陵岡隄迄後決塞無常至崇禎十五年流寇圍汴不下決黃金壩口灌省城城淪沒帝發帑金五十萬命募夫塞之河由故道十六年又決南入渦

河

國朝順治元年河自復故道古今治河之說自賈讓三策

出無出其範圍者然多用其下策耳上策不與水爭地使北入海中策從洪口以東爲石隄多張水且今之治河門使民引水灌田下策修完故隄增卑倍薄

與古迥異較古倍難唐宋以上惟欲河流不潰溢其入海之路可聽其便自元明開會通河藉河爲運口歲漕東南之粟四百萬石以實京庾河北決則由張秋臨清一帶衝運道會大清河入海而汶水不能北流而運道絕南決則合淮泗入湖湖溢而南則淮揚旣爲巨浸而清口南趨而運道斷故古者河自河運自運今河道卽運道清口爲南北運道一大關鍵都水者烏容稍軼於尋尺之外哉又河

豫乘識小錄

卷上

五

性宜合不宜分蓋流分則勢弱勢弱則淤益多淤多則決溢更甚河流昔至安東距海已近有四套五套六套之名再東卽爲葦蕩向無隄工河流旣漫而潮汐又若迎若拒互相洄漩積日旣久尾間高仰下游不暢上游屢有漫口邇年近海處所皆築隄保固添設專員藉隄束水藉溜刷沙河流直注海口通暢始知向所稱其地有鐵門限鐵板沙之言皆緣溜緩沙停日久堅緻海性鹵沙爲鹵浸故堅督事者探撫浮說塞責耳十八九等年河決豫境清水獨力刷汰愈見深通矣豫距其地較遠蓋有陰受其福而不知者今將

黃河經行之處自入中國至抵海口皆以今地名注之兩岸隄工自武陟滎澤起至江南安東海州止各有分汛管轄亦約畧備書特無冊籍可查地名里數秩官當有疑舛持贈留心斯事或可藉稍知梗概云

河發源於崑崙

按史記河源之山天子按古圖書名曰崑崙亦非定名也元時遣使求河源謂出星

宿海衆說紛如迄無定論然考求地理貴在致用似此至荒渺無稽之說引証愈博終等捕風故置之不論云

積石而入中國

在西寧衛西南百七十里

又東經河州城北又東北經

蘭州城北

北門外有浮梁用巨艦廿四貫以鐵縷架以木

下黃河第一橋冬月冰凍鋪土其上往來如常將泮前數日有聲如雷相戒不敢行泮後仍設浮梁焉又東

豫乘識小錄

卷上

五

經金鄉縣北

至縣北六十里入亂山中危湍仄澗凡二百里而入靖虜衛界

又東北經靖

虜衛北又東北經寧夏中衛南又東北經寧夏衛東

寧夏間多

引河爲渠以灌田蓋上源勢緩而無泛漲且沙泥未甚故引河爲宜諺又謂天下黃河富寧夏以此故又東

北入榆林西境經古三受降城又東折而南經榆林之東

自榆林北至山西太原府河曲縣境曲折回環幾三千里唐謂河湟今謂河套北與俄爾多斯鄰

又南經

府谷縣東又經神木縣南入葭州境經州城東東岸爲山

西河由保德州及興縣境又南經吳堡縣綏德州東東岸

爲山西臨縣永寧州及寧鄉縣界又南經青澗縣東又南

經延長縣及延川縣東東岸爲山西之石樓及永和太寧

縣境又南經宜川縣東東岸為山西河津汾水至此入河及榮河

臨晉縣西境龍門山亦在河津又南經朝邑縣東又南經華陰縣

東北渭水於此入焉東岸為山西蒲州又南過雷首山乃折而東

河流自東勝州折而南幾千八百里自壺口以至潼關兩岸重山翼帶深險而華山橫亘於南河於是復折而東

又東經閩鄉靈寶縣北北岸為山西芮城縣南境又東經

陝州城北又東經澠池及新安縣北北岸為平陸及垣曲

縣境州城西北三里日太陽津即古茅津為渡河要地其西為三門即大禹鑿山水從山而下之處中日神門

南日鬼門北日人門水行其間聲如雷激又東經河南府

其東北五十步即底柱高數丈孤立水中

北北岸為濟源縣南境又東經孟津縣北北岸為孟縣南

境河在孟津北五里孟縣南三十里至此兩岸平濶其流漸漲潰溢之患自此而始然尚未設隄者緣其地仍得

山餘氣土脉猶堅尚不善崩耳晉杜預造河陽橋北魏至唐之河陽三城皆在此中城在中潭至宋嘉祐中始沒於

水孟津志謂即縣西十五里之雷家灘孟縣志謂即郭家灘皆無確証又東經鞏縣北洛水入焉

是為北岸為溫縣境濟水入之又東經汜水滎陽縣北北岸為

洛汭武陟縣南境沁水至是入河又東經河陰滎澤縣北河陰今并入滎澤又

東經滎澤縣北北岸為獲嘉縣南境又東經原武縣北陽

武縣南又東經開封府城北封邱縣南又東經陳留及蘭

陽縣北岸接直隸長垣縣境又東經儀封廳北北岸接東

明縣界又東南經睢州北北岸為考城又東南經商邱縣

豫乘識小錄 卷上 三

北北岸爲山東曹縣界又東經永城夏邑北北岸爲單縣境又東經虞城北北岸亦單縣境又東經江南碭山縣北又東經豐縣南又東經沛縣南蕭縣北又東經徐州北又東南經靈璧縣北又東南經睢寧縣北邳州城南邳州今徙城基猶又東經宿遷縣南又東經桃源縣北又東南經清河縣境南則淮泗之水滙洪湖出清口來合北則運河入焉又東經淮安府城北又東經安東縣城南而入於海按河南岸自閩鄉入豫境至江南徐州府碭山縣出境北岸自濟源縣入境與垣曲分界至山東曹州府曹縣出境自潼關至滎陽約五百餘里南北岸皆

豫乘識小錄

卷上

五

自滎陽始有隄工

孟縣南有小金隄七里民修民守不在此內

南岸之隄自滎

澤舊縣迤南隄頭起至碭山止通計四百六十一里零北岸自武陟沁河頭起至曹縣止計三百三十五里零北紕於南緣北有曹單境百餘里始接江南蕭縣境也北岸歸彰衛懷道分轄其屬爲黃沁廳衛糧廳祥河廳下北河廳山東兗沂道轄之曹考廳曹單廳南岸則上南廳中河廳下南廳蘭儀廳儀睢廳寧廳商虞廳歸河廳開歸道轄之江南境北岸則豐碭豐北邳北宿北桃北中河淮北山安海安各廳司之南岸則蕭南銅沛睢南宿南桃南山清

裏河外河海防海安各廳司之分領以淮揚駐清江浦淮徐徐

州淮海駐安東縣三道其高堰山盱廳則經理高家堰而司五

壩之啟閉者揚河揚糧江防各廳則經理淮河者邳宿運

河廳則經理北運河之挑挖培築而導之入黃者蓋自碭

山至海口亦不下千餘里豫江兩岸隄工約計千四百里

云又河南境內太行隄自武陟沁河隄起至滑縣止共長

三萬九千三百四十丈零賈讓策所謂決黎陽遮害亭放

河使北入海河西薄太行東薄金隄勢不能泛濫期月自

定者金隄即在滑濬間今太行隄未審即金隄遺址否又

豫乘識小錄 卷上

堯

大隄起荆隆口東南直抵徐州明宏治間因河決荆隆口

築隄東西各二百里築黃陵岡隄東西各三百餘里又以

荆隆口黃陵岡河口屢決築隄三重以上諸隄皆非現在

歲修者然基址尙存稍加補治亦可以佐保障云嘗論治

河之說古今紛如聚訟有謂禹功告成以後二千年無水

患者此不思之言也商之五遷其蕩析離居非河之爲患

乎特碣石入海之路自周定王五年始徙姑胥瀆口在洪縣

合漳水從章武今天津入海耳又後世謂河無兩流而禹何

以疏九河愚謂九河故道在今河間其時距海甚近且草

昧初闢地曠人稀河至此適有分流禹因順其勢而畧加疏濬非河至尾間而勢獨宜分也至齊桓圖霸時闕八流以自廣則河仍歸一支矣又按賈讓中策謂多穿溝渠於冀州地使民得以溉田分殺水怒用上水作石隄旱則開東方下水門溉冀州水則開西方高門分河流通渠則填淤加肥禾黍更爲秔稻後人多疑其說難用然余嘗閱運河備覽吳江陸朗夫中丞名燿爲運河道時著有旱時坡水短涸微山湖存水無多開河北岸蘇家山口引黃灌湖遂可濟運之說嘉慶十四年因天旱未收坡水微湖存水二三尺不等經陳

豫乘識小錄

卷上

卒

河帥名鳳翔江西崇仁縣人奏請開蘇家山引水入湖濟運湖水驟

長一丈三四尺仍閉山口並無奪溜之虞而水過傍近之田藉淤益肥美此特用以濟運耳若於瀕近湖陂之地引流成塘再分渠疏灌豈有不收效者特必須山岡附近土脉堅亢者無冲刷之慮始萬全耳今徐州之天然關卽因山基爲之故謂引渠必先築石隄殆此意昔鄒善長名道元注桑欽水經述宜都山

水之美謂山水有靈亦當驚知已於千古賈待詔有知得無亦引譏劣爲知已哉

淮水說

淮出南陽府桐柏縣桐栢山下有淮井淮源從井出水經謂出胎簪山卽桐栢之支峯也東南流經信陽州城北四十五里至確山縣境又東七十里至羅山縣境北岸爲正陽縣境又東經息縣南五里又東北流百四十餘里經固始縣北淮之北岸爲江南邊方口自此遂出河南南境按淮水縈回豫省五百八十里入淮之水則有信陽之溱河羅山之竹竿光山之寨河商之春河白露商固之史曲各挾山溪陂澤之水共一百三十六道競流奔匯入其中又有

豫乘識小錄

卷上

空

發源於西平洪汝二水上承南陽之無滾洪瀨南接確遂之吳寨黃西共帶支流六十五道若江漢之朝宗焉至三尖而淮流更鉅又東北經潁州城南又東流十里而天息山所出之汝水益之以魯山之澠河歷伊汝寶郊統合兩岸傍流四十二道貫襄城經葉舞逮郟城襟帶灰澧泥湛納支派十三道並會於汝而入焉謂之淮口南岸卽霍邱縣界又東經潁上縣南又東流三十五里卽東西正陽鎮也則有登封之潁水長葛之漢水許州之石梁旁挾支流一十五道羣統於潁以入淮謂之潁口又東六十里至壽

州之北肥水自南流入焉謂之肥口又東經懷遠縣南一里流經荆塗兩山之曲至縣城之東稍折而北而渦水挾帶睢柘孟鹿之流由譙郡至此而入焉謂之渦口又東至鳳陽之北又東流經臨淮城北稍東曰新河口濠水自南流入焉謂之濠口又東流八十里經五河城東南有澮河沱河滎河潼河自縣西北次第入焉與淮爲五流故謂之五河口又東經泗州城南一里南岸去盱眙縣二里兩城相距凡七里自昔爲淮流衿束之處則有汴水根據於滎鄭須索金京之九水會歸賈魯並邀新密之洧水雙泊水

豫乘識小錄

卷上

三

十三道兼清水經泗州城東而入焉謂之汴口宋時以此爲漕運之要衝自此遂滙入洪澤湖出清口與黃河會東則刷黃入海南則入運歸江自發源至入江海處約皆二千里云按豫省大河之南諸水伊瀍澗皆入洛以歸河自此而南則支流皆滙於賈魯汝潁諸大水而諸水或在豫境或在江南境皆陸續歸淮至洪澤湖則又受淮之全流故雖出清口而分流於江海而盛秋異漲無歲無之

漳衛合流說

漳水之源有二一出山西潞安府長子縣

長讀如常見漢書地理志注

發鳩山曰濁漳自林縣西北入豫境一出山西平定州樂平縣少山名清漳自涉縣入俱東經林縣之合漳村滙流由安陽臨漳經直隸之成安大名元城等縣境又東北經山東館陶縣與衛合流至臨清閘外入運歸直沽入海衛水出輝縣蘇門山百泉

百泉上有衛源廟

經新鄉汲縣湯陰濬滑

內黃等縣淇水源出林縣南七十里東北流經湯陰至淇縣入焉湯水源出湯陰縣治西舊名蕩水流經縣東過內

豫乘識小錄

卷上

三

黃入焉洹水一名安陽河出洹山經林慮縣其水屢伏屢見流經安陽內黃與衛水合衛挾三水歷直隸大名等縣至臨清閘外合漳水同入運河河北之地惟二水爲經流衛南漳北歷無侵混而衛爲豫漕蘆鹽舟楫通行之處所關綦重乾隆五十九年漳水盛漲由臨漳之三台村挾洹入衛六十年經河撫 奏明捐款堵築工甫竣而漲驟發漳復橫溢南趨自此遂於內黃縣之豆公村與衛水合流漳性濁水一石挾泥數斗且長落無常初合流時河槽深通水勢尙覺順利嗣遂淤墊日甚以致合流處水口不暢

而其地爲運道咽喉嘉慶十五年撫院 奏明定爲春秋挑濬經費約需銀八千兩定爲漕四鹽六俟挑濬二三年後查看情形再爲核定自十五年後隨挑隨淤殊無善策而豆公村一帶淺阻日甚今就北豆公村漳衛合滙處較量至南豆公村迤南相距二千三百餘丈而北高於南已五尺餘衛被漳逼不能盡循故道自東西袁村二村在南南漫流東下經由低窪處或由車行軌道經內黃縣境六十餘里又經大名清豐南樂三縣約八十餘里至岔河嘴大名復與漳合百四十餘里間或串流村中或由舊渠道

豫乘識小錄

卷上

畝

或值平低處所演濊漫散寬至數百丈如淀泊然然豆公村爲鹽漕經由要地近年淺溢尤甚長蘆運商就兩袁村中間築壩蓄水濟運衛流抵壩北折由豆公村入故道水勢不暢上游之安陽湯陰附小村莊多被水患且衛水雖有攔壩亦不能全流順軌復由袁村稍西之冉村溢流稍南繞袁村至東北歸入坡河迄今商民交病維查衛爲漳奪測其地勢北高南下萬不能挽歸故道至豆公村一段清濁交混浸淤浸高亦難導衛與漳合流若徒恃建壩抬高水勢以敵漳之倒灌則上游田畝浸淹而內黃至岔河

嘴一百四十餘里問民田廬舍偶遇漲發宛在中央竟成澤國近經豫直大吏悉心籌度並遣諳晰河務之員往返詳查知由袁村迤東衛水漫流已久平行處流淺而寬其低窪處多有刷成溝槽深三四尺不等者若於深處少加疏濬於平行築隄夾束如高寶間左湖右河磚工隔斷之法將袁村壩拆毀於豆公村濬水倒灌處量築格隄以備漳之乘漲溢潰則衛挾淇湯二水

洹在北已合於漳

由新開之路

全勢刷濬日見深通而上下游田廬皆免淹溺運道亦無阻滯矣特是自袁村至岔河嘴界連兩省四縣事權不一豫乘識小錄

卷上

壘

則呼應不靈又濬治河渠之外漳之南岸地勢較窪之處又須仿黃河格隄縷隄之制橫亘堅築以防再行侵軼庶爲萬全之計約計經費非三四十萬金不能興作然濟鹽漕而衛田廬造福實匪淺也當代有大力者秉獨見而采輿論毅然興作竚可觀成嘗不斥鯁生爲紙上浮談也

賈魯河說

賈魯河汴河之南支也汴本作汭卽浚儀渠又名葭蕩渠源出滎陽大周山下受西南諸山溪京須索鄭之水東流至中牟縣北與沙水同流東至浚儀卽祥符而分南注一支

爲沙東注一支爲汴漢平帝時黃河南奔衝汴明帝永平中命王景脩汴隄渠自滎陽東分疏河汴二水令黃河東北流入海汴河東南流入泗隋大業元年開通濟渠自板

渚在滎澤

引河歷滎澤入汴又自大梁之東引汴入泗達於

淮渠廣四十步渠旁皆築御道樹以柳名曰隋隄又曰汴
豫乘識小錄卷上 六

隄宋定都汴梁引汴水穿城中有上水門下水門歲漕江淮浙湖之粟六百萬石達京師常至決溢設官司之至元時至元廿七年黃河決始淤塞東流一支今止存南注一

支以曾經元臣賈魯疏濬又名賈魯河又名小黃河仍上

受京須索鄭諸水經朱仙鎮距省東南四十五里王家潭至扶溝東

北受雙泊河水以溱洧合流得名又東南入西華境城西北東三

面又東南經李方口西又東南合潁汝二河入商水境經

周家口又東受清水及柳莊河水爲白馬溝其南爲潁岐

口沙水東流潁水東南流經南頓鎮又東南經項城北受

激水汾水又東入沈邱境至潁州復與沙合沙東經槐坊
店折而東南受枯河水又東經紙店界首集入江南太和
縣東由潁州北合注於淮按隋自板渚引河入汴河濁汴
清且汴流頗微安能勝河之濁如今洪湖水弱亦有借黃
濟運之時然河身因是更形高仰是其明驗宋仍汴渠不
聞引河之說則在隋時河汴皆通必未久卽行隔絕特未
審何代耳又按宋都汴時開四渠通漕曰汴水曰蔡水卽
惠民河曰五丈河卽廣濟河曰金水河汴以通江淮浙湖
之運惠民至歸德鹿邑以通東方之運五丈金水通曹鄆
諸州之運及西北商旅因黃流數徙決今皆湮惟汴河僅
存東南支流藉通江淮舟楫然近來源弱流微故朱仙向
爲商販輻輳之區今亦大減於昔云

豫乘識小錄

卷上

李

嵩山說

嵩在今登封縣東曰太室西曰少室嵩其總名相距十七里太室高二千八百丈少室高八百六十丈太室爲中岳歷代秩祀之所上建嶽祠門殿皆額峻極取詩崧高維岳峻極於天之詞四岳配焉殿懸

仁皇帝御書曰嵩高峻極乾_三十五年巡方秩祀

純皇帝御書殿額曰鎮茲中土曰神嶽崇巖廟西爲行宮嵩山志太室有二十四峯云見道藏吳天師靈蹟記明傳梅作太室十二峯賦補廿四峯之闕少室三十六峯見樓

豫乘識小錄

卷上

七

異賦按登太室之道有三一自逍遙谷上野豬坡唐宋名人登嵩者多道此一自萬歲峯側稍迂遠爲漢武帝登嵩故道一自黃蓋峯後直上度大小鐵梁峽爲今御道登太室中頂廿四峯羅列左右山上有玉井玉女窗玉女搗帛石紀異志謂立秋前一日嘗聽杵聲於中夜中頂之左南卻曰金壺峯拾遺記謂浮提國人傾肘後金壺墨佐老子寫道德經者次南曰起雲峯峯西爲野豬坡曰鳳凰峯曰玉鏡峯志謂峯上嘗見玉鏡浮空也又南曰虎頭峯峯有虎口巖乃唐李筌得黃帝陰符經處在逍遙谷東又東

曰萬歲峯以漢武時山呼萬歲得名在崇福宮上稍東曰獅子峯以狀名峯之北曰遇聖峯武帝遇九疑仙人采石上菖蒲一寸九節餌之可以長生處又東曰三鶴峯道士李八百鍊藥有三鶴翔其上有曰鶴觀遺址又東曰浮邱峯爲仙者浮邱公所居下拖爲望朝嶺又東在岳廟上者曰黃蓋峯武帝登嵩時有黃雲蓋其上峯東北曰青童峯當太室中頂東南中頂之右南矗者曰玉柱峯遙望色白如削玉旁曰老翁峯有石如老翁稍西而北曰玉人峯嵩高記曰岳祠有玉人高五寸爲祠主蓋武帝於峯上得之

豫乘識小錄

卷上

堯

與玉人峯相對曰玉女峯相傳峯有大篆七字人莫能識迤西曰獨秀峯又取形似名金匱又西迤南曰積翠峯在會善寺上最西曰太白峯以方名近明練寺者曰子晉峯下爲太子溝近中頂西曰會仁峯峯上有八仙壇西北有卧龍峯其中頂上近北圓舉者曰華蓋峯取象天官華蓋星也中頂北倚者曰元龜參取北方玄武義其續補之十二峯曰周道黃蓋峯後輦路也曰雞鳴在周道左曰懸練卽盧鴻草堂在其下曰春震居太室東曰石幔近野豬坡曰勝觀近萬歲峯曰松濤近白鶴觀曰桂輪卽嵩門亦

曰天門西有科斗巖乃漢張芝獲科斗古書處曰立隼在獨秀峯西曰觀香子晉妹也亦學道嵩山以名峯在明煉寺上曰望都在太室西北可望東都曰河帶在中頂上北望黃河如帶登少室者從東角上四十里得下定思又五里得大石門曰中定思又上五里得上定思入東天門上絕頂俗呼御砦蓋金宣宗屯此地在少室頂旁六六峯羅列東南西三面厯厯可數最東先得朝霞者曰迎霞東拱岳祠者曰朝岳兩峯相次大者曰太陽小者曰少陽近太陽西曰明月稍南最高者曰連天次曰紫霄石天然成

豫乘識小錄

卷上

七

帝字者曰天德產檀香丹砂者曰檀香曰丹砂在南則產玉膏者曰玉華豐藥草者曰藥堂上有白道人洞者曰白道凡十有三峯居少室頂東最東南形如牛臥者曰金牛直南高矗如柱者曰寶柱貞如劍者曰卓劍在清涼寶勝寺上者曰清涼曰寶勝多紫薇花者曰紫薇烟靄中若儀衛者曰紫蓋曰翠華石色如玉者曰瓊壁如碧綠者曰凝碧曾有神人見其上者曰瑞應凡十有一峯居少室頂南迤西高可望洛京者曰望洛方如城立如筍曰石城石筍形如香爐者曰香爐爐耳若馬椿者曰馬椿西北小圓

峯上有三祖庵者曰鉢盂取形似者曰七佛曰羅漢近香
爐多仙靈者曰靈隱曰來仙曾獲白鹿於峯上者曰白鹿
時出白雲異於他峯者曰白雲凡十有二峯居少室頂西
少室北少林寺後有五乳峯其挾轘轅不在六六峯之數
峯谷間名刹百數最著者少林寺建於後魏時達磨於正
光魏年寓少林石室面壁九年今寺猶有面壁影石隋賜
栢谷屯地以贍僧王世充作亂寺僧擒之獻於唐太宗賜
教獎諭明時東南倭寇作亂總制胡宗憲亦用少林僧兵
今寺僧猶矜尙白楮蓋沿前代之舊云寺有甘露臺舍利
塔虎澗龍洞諸勝殿額寶樹芳林
仁皇帝御賜
純皇帝巡方時賜有雪印心珠香晶雲梵法印高提等額

豫乘識小錄

卷上

七





孫乘識小錄

冊下

豫乘識小錄目錄

河南省沿革建置

考附

九府四直隸州沿革

附古蹟

關塞形勝說

田渠說

豫乘識小錄

卷下目錄

河南省沿革建置

河南爲禹貢豫州之域春秋時爲東周畿內鄭蔡陳衛諸國凡四十戰國時爲韓魏楚趙之疆秦罷侯置守凡三十六郡在河南者八曰三川潁川東郡南陽碭邯鄲南郡九江漢興懲秦之弊復建諸侯割其地爲國者二曰梁國曰淮陽國又爲河南潁川等十一郡分領於司隸如今之順天府及冀充豫荆四部州刺史東漢都洛陽置司隸校尉與部刺史分領郡如故曹魏都鄴一如漢制西晉分置司州如及豫州而統郡國二十一永嘉之亂豫州割於劉曜石

豫乘識小錄

卷下

一

勒符堅姚萇至晉末劉宋有其南境自永初至大明元嘉之際或爲實土或爲僑立

僑立者本地已失而仍設其地名如宋無徐州而猶設南徐州

是也後魏都洛陽東魏都鄴置梁潁等十有九州以統各郡北齊後周皆因之隋初罷郡以州統縣大業初置河南滎陽等二十有一郡以豫州等刺史糾察之唐分天下爲十道於豫置河南道開元中置都畿河南河北三道採訪處置使都畿道治東都河南道治陳留河北道治魏郡五代迭興約仿唐制宋都汴以全省分屬七路惟開封設尹餘皆以安撫使統之金主珣遷都於汴爲南京分置河北河

東京兆三路以治開封等四府鄧蔡懷衛四州元承金舊
以汴梁等五路歸德等三府置河南江北等處行中書省
以統之今稱省沿元中書行省之舊又置河南江北道肅政廉訪使司
以察之明初改河南江北等處行中書省為河南等處承
宣布政使司領河南河北二道後增大梁汝南二道分按
七府並置河南都指揮使領宣武陳州等十二指揮使司
三司並建於開封府入

國朝府州無改衛所俱經裁革雍正二年升陳許禹鄭陝
汝六州直隸布政使司三年以直隸大名府內黃縣改屬

豫乘識小錄

卷下

二

彰德府以滑澹二縣改屬衛輝府以彰德府之磁州改屬
直隸廣平府四年升陳州為府置附郭淮寧縣嗣又分并
詳見各府州條下今領府九廳一直隸州四州六縣九十七東西
距一千一百二十里南北距一千二百九十里省會在開
封府北距

京師一千五百四十里

附四至

據通志從省城起數

東至江南徐州府蕭縣界六百五里

西至陝西潼關廳界一千三十里

南至湖北黃州府黃陂縣界一千十里
北至直隸廣平府磁州界二百八十里

附八到據一統志

東界江南碭山縣

西界陝西潼關廳

南界湖北黃安縣

北界直隸成安縣

東南界江南潁州府

西南界湖北襄陽府

豫乘識小錄卷下

東北界山東曹縣

西北界山西遼州

又按河南地界東連江蘇之碭山蕭縣安徽之宿州亳
州太和潁州潁上霍邱南連湖北麻城羅田應山黃陂
襄陽西連湖北之均州鄖陽陝西之商南雒南潼關山
西之永濟平陸芮城壺關鳳臺陵川遼州北連直隸之
磁州清豐長垣開州東明山東之曹縣單縣在古則六
州環拱冀兗徐揚荆雍今則七省毗連信乎其爲天下之中也

汴城建置說

汴城唐以前無考可考者唐德宗二年節度使李勉創建無里數周世宗顯德三年增築東京開封府外城周四十八里二百步零宋太祖建隆三年廣皇城東北隅真宗仁宗重修神宗更增修外城徽宗政和六年改修京畿外城周回五十里一百六十五步明洪武元年重築河南省開封府城周圍二十里一百九十步門五東曰麗景一曰宋門南曰南薰西曰大梁北曰安遠東北曰仁和一曰曹門入國朝屢修無增廣外城久廢宋說部有謂周世宗修

豫乘識小錄

卷下

四

城令藝祖走馬盡力所至而築焉今按周世宗所築外城周四十餘里非馬力所能及度是內城也周外城韓通王朴所經度藝祖初大其城址曲而宛如蚓曲焉耆老相傳趙中令鳩工奏圖初取方直四面皆有門坊市經緯其間井井繩列藝祖覽而怒自以筆塗之命以幅紙作大圈紆詘縱斜旁注曰依此修築故城卽當時遺跡時人罔測多病其不美於觀熙寧時神宗時屢欲改作卒不敢更惟增障而已及政和間蔡京擅國亟奏廣其規以供宮室苑囿之奉命宮侍董其役凡周旋數十里一撤而方之如矩甃

堞樓櫓雖甚藻飾而蕩然無曩時之堅朴矣靖康之變敵
人下令植砲四隅隨方而擊之城既引直一砲所望一壁
皆不可立竟以此失守藝祖沈幾遠睹至是始驗又按東
京夢華錄云東都外城方四十餘里城壕曰護龍河濶十
餘丈壕之內外皆植楊柳粉牆朱戶禁人往來又新城每
百步設馬面戰棚密置女牆日暮修整望之聳然城裏牙
道各植榆柳成陰每二百步置一防庫貯守禦之器有廣
固兵士二十指揮每日修造泥飾專有京城所提總其事
意以守險之具而爲觀美之資其受侮強敵也宜哉宋時

豫乘識小錄

卷下

五

以四水入城各設上下水門門制跨河以鐵裹窗遇夜如
閘垂下水面兩岸各有門通人行如今瓜洲水門然自金迄元外
城毀內城存明洪武所修爲宋內城舊址明季屢經河患
淤沙泥甚深居民有掘土丈餘露屋脊者陵谷變遷向入
城四水今惟賈魯河分汴之一派遶省南趨而城內無一
綫之流矣

開封府沿革

開封在三代時兼隸豫兗二州在周爲鄭杞二國之地三卿分晉魏都大梁卽此秦爲三川潁川二郡地自漢爲陳留郡地在三國五代爲陳留開封二郡宇文周以臨汴水改爲汴州唐屬河南道朱梁都此號東京始置開封府後唐爲宣武軍晉漢周及宋皆稱東京開封府金爲汴京又爲南京元改爲汴梁路總管府汴梁之明改爲開封府稱始此

本朝因之領州四縣三十雍正二年升陳許禹鄭四州爲直隸州又以延津屬衛輝原武屬懷慶領十四縣十二年豫乘識小錄卷下

六

以太康扶溝改屬陳州而鄭州及所屬仍歸開封乾隆六年又以禹州及所屬縣亦歸開封二十九年又省河陰入滎澤領州二縣十七嗣又改封邱歸衛輝陽武歸懷慶儀封縣改儀封廳今領廳一州二縣十四按開封郡名始東魏稱開封府始梁汴梁之稱始元祥符自漢爲浚儀縣祥符縣名始宋景德間

古蹟附山川宜另編一門緣摘錄志乘未及詳訂故間附入下同

汴故宮 在府城內正北本宋之大內金人廣之明洪武十一年卽其故址建周王府

國朝改貢院

長嶽 在府城東北隅宋徽宗採方士劉混康言京城東北形勢增高當有多男之祥政和七年遂命戶部侍郎孟揆於上清寶籙宮之東築山象餘杭之鳳凰山曰萬歲山宣和四年徽宗自爲艮岳記金人入汴遂廢按日下舊聞山石之奇者金人皆移置燕京云今故址無存

大相國寺 在府治西北齊天保六年始建名曰建國寺唐睿宗改爲相國寺宋太宗至道二年重建親題額

豫乘識小錄

卷下

七

曰大相國寺金章宗元世祖相繼修明洪武重修成化二十年更賜名崇法崇禎十五年河水淤沒

國朝順治十六年巡撫賈公漢復捐俸重修歲久頽落乾隆三十一年巡撫阿思哈公題准動

帑重修

祐國寺 在府治東北晉天福中建於明德坊名等覺禪院宋乾德中詔遷豐美坊卽今所也慶歷中改爲上方寺內有鉄色琉璃塔元末兵廢洪武十六年建俗呼爲鉄塔寺天順間以今額明末水患寺廢塔存

國朝順治二年左布政徐公化成捐修乾隆十五年
巡幸中州奉

旨增修

勅賜名甘露寺

龍亭山 明太祖封周藩於開封築土山于王宮後建
亭閣列花石爲遊觀所明末河決廢

國朝康熙二十一年建萬壽亭于其上雍正十一年巡撫
王公士俊修按圖外有圍牆夾甬道左爲扇面亭右爲
船亭皆在水中牌樓門左右朝房極高處爲亭亭左關

豫乘識小錄

卷下

八

帝廟右梓潼廟今圍牆水亭皆廢

大道宮 在府治西南明洪武二十二年建初爲祐聖
觀正德初改今額明末洪水沒道人康福臻募修移建
於永甯王府舊地康熙五十八年巡撫楊公宗義重修
乾隆十五年

聖駕幸豫卽院署建

行宮院署移建按察司署司署移建大道宮舊址

信陵君祠 在府治西上方寺右祀魏公子無忌又有
信陵亭在相國寺又夷門太史公謂魏之東門魏公子

客侯生抱關處

駐蹕亭 在布政司署圓堂後明洪武初幸汴詔建行宮比去留大旂以鎮中原後因爲亭

南衙 宋包孝肅公拯聽政處卽舊開封府是

鏡泉 在按察司署西偏

國朝康熙年間新濬按臬使胡公介祉鏡泉歌序畧云汴故乏佳泉井水苦濁甲戌春暮役夫偶扶署西地未數尺泉忽溢嘗之頗甘就加濬治因名曰鏡泉臬署今改節署未審泉仍舊否

豫乘識小錄

卷下

九

滿洲城 城在府治北高一丈圍五里零一百九十二步內官廨六百間營房二千五百二十間康熙五十九年新設城守尉一員左右筆帖式各一員

乾隆二年奉
裁一員

恩騎尉一員前後蒙古佐領各一員防尉各一員驍騎校各一員驍騎校各一員八旗佐領八員防尉八員驍騎校八員經制兵丁八百名弓鐵匠各十名官馬一百九十八匹兵馬二千四百疋歲支俸餉米折馬乾等項銀十五萬五千零自乾隆二十二年奉

旨歸併巡撫節制

吹台 在府城東南二里許按九域志卽繁台也奉師
曠吹律地故名吹台漢梁孝王增築之又名平台有三
賢祠祀唐李白杜甫高適天寶中三人聚于梁宋共飲
吹台之上後人慕其高風因祀之後又增東陽李崆峒
何大復迪功爲五賢祠後又增入蘇門先生高子業爲
六賢祠陳浩有記上建禹王廟又名禹王台胡介祉有
記

貢院 明初貢院在汴城之浚儀衛卽元平章竺貞故
宅宣德甲寅徙城之西南隅天順壬午徙大梁衛藩司

豫乘識小錄

卷下

十

之巨盈庫舊址明末河水陷城移試于河北輝縣之百
泉書院

國朝順治十六年巡按李公粹然同巡撫賈公漢復題改
故周王府爲貢院在會城中央李公粹然有記後因地
卑窪雍正間移建城東北隅高亢地田公文鏡有記
大梁書院 舊在省城南薰門內名麗澤書院明成化
己亥移建麗景門外二里許繁台東

國朝康熙十二年改建于城內西南隅

孟子遊梁祠 舊在城內西南隅

國朝康熙二十八年巡撫閻公興邦移建貢院東置奉祀生一人三十三年復奉到

御書昌明仁義扁額懸置正殿今改建守道西

國相寺 在吹台傍有塔曰繁塔向有三寺曰國相天清白雲明末俱圯

國初巡撫張公自德重修合三寺而一之統額之曰國相禪寺有艾元徵碑記據通志寺爲五代周顯德中建曰天清又名白雲洪武間始改今名與艾記小異

天王寺在府城北明洪武二十年僧勝安建內有藏經
豫乘識小錄 卷下
閣明末河水淤平
土

國朝康熙五十八年開封知府徐公爾泰重建內有蠟梅叢生夾瓦開時花氣凌寒爲精藍之勝觀

圃田澤 在中牟縣北七里周禮職方氏豫州藪曰圃田卽此其澤東西五十里南北二十六里西限長城東極官渡高者可耕窪者成滙今爲澤者八若東澤西澤之類爲陂者三十有六若大灰少灰之類其實一圃田澤耳

陳橋 在府城北四十里河北岸卽宋太祖爲衆擁立處

有古槐大十餘圍枝幹盤曲可觀傳爲太祖繫馬處
朱仙鎮 在府城西南卽岳忠武屯兵處賈魯河自滎
陽至此始能通舟故商賈雲集今猶爲巨鎮
請見亭 在儀封縣西一里許亭內建碑大書論語儀
封人請見一章

古嶠關 在汜水縣西二里本周穆王養虎地漢爲成

皋隋爲虎牢唐爲武牢明更曰古嶠關

按穆天子傳天子射獵鳥獸于

鄭國有虎在林七萃之士高奔戎擒虎而獻之天子命爲柙畜之東虞是日虎牢春秋襄二二年又有城虎牢之言虎牢是古名通志謂隋爲虎牢誤考

豫乘識小錄

卷下

十一

鴻溝 在河陰東卽楚漢時分界處北接廣武山與滎澤相連

廣武山 在滎澤縣西十里與三皇山相連上有東西廣武二城卽楚漢屯兵相拒處其山西跨河陰南跨汜水綿亘五十里

官渡 在中牟縣北五里漢末曹操與袁紹相拒卽此地

東里 在新鄭縣東二十里鄭子產故居

敖倉 在滎陽東北秦初築於敖山上酈生勸高帝據

敖倉之粟卽此

鐵犀鎮河廟 在城東北四里明正統十一年于忠肅公謙鑄鐵犀鎮河建廟以祀河神明末河決廟圯犀沈國朝順治間耕者掘出康熙三十年巡撫閻公興邦改建廟面河鐵犀移置廟中建亭覆之改今名

歸德府沿革

歸德古兗豫二州之域卽古闕伯所居之商邱也周武王滅殷封微子啟於此謂之宋國戰國時齊楚魏三分其地秦爲碭郡之西界漢爲梁國置睢陽等縣東漢晉俱因之後魏置梁郡後周改曰亳州隋初置宋州大業初改爲梁郡唐初仍爲宋州尋改爲睢陽郡屬河南道五代梁置宣武軍唐改歸德軍歸德之名始此宋升爲南京應天府金改名歸德府而南京路領之歸德爲府始此元仍舊明初隆爲州屬開封府嘉靖間復升爲府置商邱縣及甯陵鹿邑夏邑永城虞

豫乘識小錄

卷下

古

城五縣又割開封府之睢州考城柘城以屬焉

國朝仍之領州一縣八嗣於乾隆四十八年因考城泮於河在儀封堽陽鎮建城撥歸衛輝府轄今領州一縣七

古蹟附

平台 在府城二十五里漢梁孝王所築在梁園內開封府東南亦有然梁孝王建都睢陽疑此爲確又有清冷台在府城西北八里亦梁孝王築又有忘憂館在城內梁孝王遊於忘憂之館集諸文士使爲賦卽此按史記孝王封於梁築東苑方三百里廣睢陽城七十里

此皆其故址

顏魯公八關齋會報德記碑 在府城南一里開元寺
內有顏書石幢

國初宋太保名權築亭覆之按記八關齋會者宋州刺史
徐向等因節度使田神功病設齋以祈福凡飯僧八千
人

九龍井 在鹿邑縣東皋鄉之太清宮世傳老子誕生
九龍吐水今太極殿有井存焉又有煉丹二井在太清
宮之左右傳爲老子煉丹處

豫乘識小錄

卷下

五

睢水 在睢州北一十一里州之得名以此按睢水在
梁都受汴入泗漢軍爲楚所擠睢水爲之不流此卽其
上流也經永城夏邑合沙白水達于宿州今湮

漢高祖斬蛇處 在永城縣北八十里碭山卽帝亡匿
所隱呂后望雲氣每得之處文帝立廟於崖前繪帝像
列功臣於側

漆園 在府城南二十五里小蒙城內莊子嘗爲漆園
吏卽此地

隧皇陵 在關伯台西北相傳爲隧人氏葬處關伯台

在府城西三里

睢陽故縣 在府城南漢置唐安祿山反張巡守此許遠爲睢陽太守同守叛將令狐潮數圍之不能克賊將楊朝宗及尹子奇合凡十餘萬攻睢陽巡遠以數千人禦之後數年城陷巡死之遠脅至洛陽亦死裨將南霁雲雷萬春城父令姚閻等三十六人同遇害睢陽至今享祀號雙廟

西陂 在府城西南宋少師準別業景有六曰綠波村曰芟梁曰放鴨亭曰和松庵曰釣家曰緯蕭草堂有康

豫乘識小錄

卷下

六

熙

宸翰西陂魚麥堂扁一時名流多歌詠之朱竹垞彝尊爲記今圯少師墓田卽在其側

彰德府沿革

彰德為古冀州之域商河亶甲居相即此春秋時為晉之

義音戲陽地戰國魏之鄴地秦為邯鄲郡之南境三川郡之

北境漢置魏郡而以冀州刺史領之東漢仍舊魏曹操受

封於此子丕篡漢都洛陽建鄴為北都晉置魏郡隸司州

後趙石虎魏冉閔前燕慕容儁並據為都後秦苻堅滅燕

稱冀州北魏仍為魏郡置相州刺史以領之東魏都鄴北

齊建都於鄴南城後周平齊復改為相州置總管府唐設

刺史隸河北道五代梁置明德軍節度晉改彰德軍彰德名始

豫乘識小錄

卷下

七

此宋仍為相州金升彰德府名府始此元改彰德路總管府明

洪武改路為府

國朝因之領磁州併安陽湯陰臨漳林縣武安涉縣雍正

三年以直隸大名府內黃縣改入府屬四年以磁州改歸

直隸廣平府而磁州所屬武安涉縣仍隸彰德府今領縣

七

古蹟附

鄴都北城 在鄴鎮東南齊桓公所築漢封曹操於此

鄴都南城 在鄴鎮東南高欽以北城窄隘令僕射高

陸之更築此城

羗里城 在湯陰縣北九里一名牖城又名防城北臨羗水卽文王演易處

銅雀臺 在臨漳縣西魏曹操築並金虎冰井三台相去各六十步其上複道樓閣相通鑄大銅雀高一丈五尺置之樓頂

金虎臺 亦曹操築於臺下築渠引漳水入白溝其址尙存

冰井臺 亦曹操建石虎於上藏冰三伏之日以賜大

豫乘識小錄

卷下

六

臣按三台俱在豐樂鎮東十五里餘二台湮惟銅雀存遺址上建關帝廟

畫錦堂 在府治北宋韓琦以宰相守鄉郡建歐陽永叔作記蔡君謨書明洪武元年卽其址爲趙王府今改建畫錦書院有蔡君謨書畫錦堂記石刻

鄴鎮 在臨漳縣西卽舊鄴縣地屬魏縣春秋時狄滅邢齊桓公築此以衛諸侯六國時魏文侯以西門豹治鄴而鄴治漢爲縣魏爲北都宋時廢縣爲鎮東隸臨漳西隸安陽按曹魏所都之鄴卽臨漳之鄴鎮後周移相州於安陽時改名安陽爲鄴亦謂之鄴城大名府之稱

鄴都則自後唐始是大名爲五代唐晉之鄴安陽爲後周之鄴臨漳鄴鎮爲曹魏之鄴後人引用多牽混

韓陵山 在安陽東北魏晉泰間高歡破爾朱兆於此山下立定國寺旌功令溫子昇作碑陳徐陵過此手錄其碑旣南歸人問北朝人物曰惟韓陵一片石可共語耳

太行山 在府西五十里綿亘數千里峯谷巖洞景物萬狀雖各因地立名總皆太行也郡屬武安涉皆接連太行其在林縣界者一百八十里黃花天平皆其支裔

也

天井交 在武安西八十里適晉要途削壁四圍如井狀此山卽十八盤之東面與遼州接界明因其險檄縣築隘以禦迄今雉堞如故

摩天嶺 在武安西北九十里爲適晉逕途崖石壁立行者在兩崖之間盤磴而上仰面窺天如一綫嶺巔爲峻極關則遼州界也

天井堰 在臨漳縣南西門豹爲鄴令造十二渠以溉民田其後史起修之民享其利石虎修西門舊跡亦爲

十一燈相去三百步互相回注其流廿餘里世號天井堰

豫乘識小錄

卷下

十

衛輝府沿革

衛輝在禹貢為冀兗二州之域殷都之為朝歌今淇縣至周

為邶鄘衛三國地後並為衛國戰國屬衛秦為東郡及三

川郡漢更名河內郡後漢因之曹魏置朝歌郡晉改置汲

郡後魏因之東魏置義州後齊置伍城郡隋改為汲郡唐

置衛州隸河北道五代亦曰衛州宋仍之屬河北西路金

因宋置防禦使屬河北西路元置衛輝路總管府衛輝名始此

明為衛輝府屬河南布政司府名始此

國朝因之順治間領縣六汲胙城新鄉獲嘉淇輝雍正二

豫乘識小錄卷下

三

年以開封之延津來屬又以大名之濬縣滑縣來屬五年

省胙城入延津乾隆四十八年以開封之封邱縣歸德之

考城縣來屬今領縣十

古蹟附

朝歌地 在濬縣西七十里紂所都也其南有糟邱酒

池漢於其地置朝歌縣隋改為衛縣元省入濬州

牧野 在府城南陵西社朝歌之南武王伐紂陳師牧

野即此

七賢鄉 在獲嘉縣北晉嵇康阮籍向秀山濤阮咸劉

伶王戎同隱於竹林沉酣劇飲以放逸爲達世稱竹林七賢因以名鄉

嘯臺 在輝縣西北七里蘇門山上卽晉時仙人孫登長嘯之所

帝邱 在滑縣東北相傳顓頊建都於此有帝塚故名春秋衛遷於帝邱卽此

淇園 在淇縣西北禮河社昔衛武公年九十五猶自箴警國人賦淇園之詩以美其德漢武帝塞瓠子河下淇園之竹以爲榼又寇恂伐淇園之竹爲矢四百餘萬

豫乘識小錄

卷下

三

皆在此

黎陽倉 在濬縣南大伾山北麓隋煬帝時漕河北之粟以餉京師李密據之作亂唐宋皆仍其制宋政和後大河南徙始廢

飲馬灘 在延津縣南一里宋康王以親王子爲質逃歸汴神錫泥馬乘之飲馬於此東南行五里馬化爲泥今名馬灘鋪

汲塚 在汲縣西二十里魏安釐王葬處晉太康二年汲人不準盜發得竹書數千車世號汲塚書如穆天子

傳逸周書皆是

牴詭 牴詭獸名說文云此獸性忠直府治前以石爲之今存

袁曹戰壘 在滑縣北十五里魚池東每大營左右環以二小營土人呼爲九圍十八深霖潦至野水注其中一一可數

百泉書院 在輝縣西五里蘇門山麓百泉之左卽宋太極書院元明來屢修葺崇禎壬午河決汴梁次年癸未補科暫移科場于此因建爲貢院入

豫乘識小錄

卷下

三

萬壽行宮 國朝歷六科復貢院於汴梁復爲書院乾隆十五年改爲萬壽行宮

衛源厓 在蘇門山麓隋建宋重修乾隆十五年重修安樂窩 在蘇門邵夫子雍讀易處明成化間建邵子祠乾隆十五年重修

孫徵君祠 徵君名奇逢容城人國初遷居蘇門百泉之間講明正學從遊者甚衆康熙年間知縣尹烈建祠於百泉

大伾山 在濬縣東南二里山高四十丈周五里亦曰

黎山上有青壇光武平王郎還至黎陽築壇祭告天地
百神按史記引括地志曰大伾山今名黎陽東山在衛
州黎陽南張楫云今成皋非也

豫乘識小錄

卷下

十四

懷慶府沿革

懷慶在禹貢冀州為覃懷之地殷為畿內周初為三監春秋時溫向雍三國之疆戰國屬魏秦滅諸侯為三川郡之北境漢初置殷國尋更名河內郡河內名曹魏以河內改屬於冀州刺史晉增置汲郡屬司州劉宋置河內郡後魏置懷州北齊復為汲郡隋初廢郡存州大業初復置河內郡唐屬河北道宋改為懷州防禦屬河北西路金置南懷州增置沁南軍節度使元初為懷孟路延祐中又為懷慶路總管府懷慶名明洪武元年改路為府名府

豫乘識小錄

卷下

三

國朝因之領河內濟源修武武陟孟溫六縣雍正二年以開封之原武來屬乾隆四十九年又以開封之陽武來屬今領縣八

古蹟附

河陽三城 在孟縣西南舊有三城北城後魏太和時所築今孟縣是也又使高永樂守南城以備西魏今孟津是也中澗城東魏元象元年築今夾灘是也舊說黃河兩派貫於三城之間秋水泛溢時南北二城皆有濡足之患惟中澗屹然如故此澗隨水高下所謂地肺浮

金者宋熙寧中沒於水謂卽今郭家灘

碗子城 在府城北二十里太行山頂其路羊腸百折
中有平地僅一畝唐初築城以控懷州澤州之衝其城
甚小故名

玉陽宮 在濟源縣西玉陽山下唐玉真公主修道之
所內建景殿唐盧綸詩君看白髮誦經者半是宮中歌
舞人

盧仝別墅 在濟源縣西北二十里石村北之玉川盧
仝詩買得一片田濟源花洞前是也

豫乘識小錄

卷下

三

韓文公別墅 在孟縣西十里俗呼韓莊

連理槐 在修武縣西二十里義門村兩樹相去二步
許上有一枝交貫甚茂唐張公藝家物今尙存

太行山 在府城北二十里西自濟源東北接河內修
武輝縣林縣至磁州界綿亘數千里其間峯谷巖洞景
物萬狀雖各因地立名然皆太行也禹貢太行恒山至
於碣石亦相聯屬之意

沁堤 在武陟縣西自河內界迤武陟城東南抵於黃
沁會流處綿亘約五六十里

太行陁 在府城西北三十里一名丹陁太行首始河內北至幽州有八陁此其一

順利渠 卽府城之壕塹元總管石抹引濟水穿城而入作二橋曰利津覽勝碑刻尙存

丹河 在府城東北十五里源出澤州界內穿太行名曰丹口南流三十里入沁河

沁河 在府城北二里源出沁州綿山穿太行達濟源經武陟入黃河

濟瀆 在濟源縣西北三里源出天壇山之太公池乃

豫乘識小錄

卷下

三

伏流至此復現滙爲二池東南流入黃河上有濟瀆祠土屋山 在濟源縣西十里禹貢底柱析城至于王屋天壇山 在濟源縣西一百二十里王屋山北山峯突兀其東曰日精西曰月華絕頂有石壇名清虛小有洞天旦夕有五色影夕有仙燈卽唐司馬承禎得道之處明月山 在府城東北四十里高峻舒豁可以登眺上有月山禪寺乾隆十五年

駕幸其寺繞寺栢五萬餘株寺僧護守每歲報其籍於官盤谷 在濟源縣北二十里唐李愿隱居於此

清化鎮 在府城東北三十里有城自太行下流泉交
滙最宜竹居人以藝竹爲業有數十畝者翠篠垂陰旅
遊忘倦

豫乘識小錄

卷下

五

河南府沿革

河南府爲禹貢豫州之域周武王克殷定鼎於郊鄩成工
卜澗水東瀍水西而宅洛邑是爲王城又卜澗水東遷殷
民居之號曰下都至平王自鎬京東遷乃居王城秦於此
置三川郡漢置河南郡東漢都之卽下都故地改爲河南
尹屬司隸曹魏置司州領之晉亦都此仍置河南尹其後
沒於符秦改爲豫州劉宋取之復置河南郡後魏自代往
都之亦爲河南尹北齊爲洛州宇文周爲西京隋煬帝徙
都於河南縣卽王城故地仍爲河南郡亦曰東都唐爲洛
豫乘識小錄

卷下

无

州置都督府高宗復爲東都武后改曰神都元宗改曰河
南府府名屬河南道五代梁改西都唐改東都晉改西京
宋仍舊金爲中京金昌府元爲河南路總管府明洪武元
年改路爲府

國朝因之領陝州併洛陽偃師鞏孟津宜陽登封永甯新
安澠池嵩盧氏靈寶閔鄉十三縣雍正二年陞陝州爲直
隸州以靈寶閔鄉屬焉十二年又以盧氏屬陝州今領縣

十

古蹟附

洛陽故城 在府城東三十里洛水北卽周公所營成周漢置縣東漢西晉後魏首都此

王城 在府城西五里成王命周公營洛邑以爲朝會諸侯之地卽此

東都城 在府城南洛水陽左成皋右函谷前伊闕後印山唐號洛陽宮曰東都曰神都曰東京皆此

隋唐城 初隋煬帝作東都原無外城僅有短垣唐長壽中侍郎李昭德始築之今府城卽隋唐東南之一隅耳

函谷關 在新安縣東二里項羽坑秦降卒處函谷本在靈寶縣漢樓船將軍楊僕耻爲關外人上書祈移關以家財輸於官武帝爲徙於此後周保定中改爲通洛城

南宮 在府城東北二十五里漢高祖五年入雒陽置酒南宮卽此秦漢雖都關中並倣周制建宮闕於洛陽至光武幸此定都焉

燒經臺 在府城東白馬寺有南北二臺漢明帝時佛法初至中國道家言其謬於是築二臺各置道佛經俾

焚之以驗真偽道經煨燼佛經俱存世遂尊信

測景臺 在登封縣東南古陽城縣周公定爲日中立
土圭測影處

造字臺 在永寧縣西陽虛山相傳倉頡造字處

萬歲亭 在登封縣西北漢武帝元封元年登太室聞
呼萬歲者三因以名亭

綠塋堂 在府城東唐裴度建在集賢里有風亭水榭
煥館涼亭諸勝

九老堂 在洛陽縣舊東都履道坊唐白居易宅同時
九老爲尙齒之會

豫乘識小錄

卷下

三

耆英堂 在府城東舊資聖院宋文彥博留守西京慕
唐九老集洛中公卿齒德齊者爲耆英會繪像堂中凡
十三人

金谷園 在府城西十三里地有金水自太白原南流
經此谷石崇因川阜造園館自作詩序內有清涼臺卽
綠珠墜樓處

洛汭 在鞏縣洛伊二水入河處清濁交流亦名什谷
禹貢東過洛汭卽此張儀說秦王下兵二水塞什谷之

口亦此

安樂窩 在府城南宋邵雍居洛名其居曰安樂窩時游城中士大夫識其車音爭相迎候或留信宿乃去好事者別作屋以候其至曰行窩

獨樂園 在府城南宋司馬光判西京留守時建

司馬溫公別館 在登封縣北太室前溫公居洛遊嵩下壘石溪樂之置地其傍爲別館然每至不過數日卽歸有暫來還是客歸去不成家之句

首陽山 在偃師西北三十五里每日方升光必先及

豫乘識小錄

卷下

三

故名閭若璩考首陽山天下凡五終莫能定孰爲夷齊隱處蓋山峯早得日光者謂之首陽固可隨地命名而夷齊遁跡西山近殷故都當屬偃師自故洛城東北至偃師西北連峯十數皆曰首陽

北邙山 在府城北十里一名邙山周築王城北拒邙山卽此其山西自新安東接洛陽偃師鞏縣峻極險固當河洛之間東漢諸陵及唐宋名卿塚墓多在焉金更名太平山

闕塞山 在洛陽南三十里一名關口山一名鍾山

東曰香山西曰龍門兩山對峙石壁峭立望之若闕伊水歷其門故又名伊闕又龕澗在伊闕傍八節灘在龍門下右節方輿紀要原書龍門下有太禹疏以通水句刪之蓋大禹治河之龍門在今山西保德州境與此龍門無涉

嵩岳 在登封縣北是爲中岳東曰太室西曰少室嵩其總名謂之室者以其下各有石室中岳居西方之中而高故曰嵩高山上中有中岳廟漢武帝至中岳獲駿鹿見夏后啟母石翼日親登嵩高聞呼萬歲者三乃令祠

豫乘識小錄

卷下

三

官加贈太室祠置奉邑名曰奉高唐武后改爲神岳

太室山 在登封縣北五里山海經作太室唐武后立封禪壇於其上有天門石樓玉女窗搗帛石定心石三醉石高登崖諸勝東西廣四十里南北深三十里周圍一百四十里上有二十四峯

少室山 在登封縣西十七里一名季石一名負黍山有負黍城在其南周圍方百里上有三十六峯

轅轅山 一名粵嶺在登封縣西北三十里左傳晉欒盈過周周王使出諸轅轅卽此史記禹通轅轅後爲關

東漢何進所置八關之一

峭山 在永寧縣北六十里一名欽崑山晉及姜戎敗秦於峭卽此自東峭至西峭相去三十餘里路極險絕
鳴皋山 一名九皋山在嵩縣東北五十里伊水經其下昔有白鶴鳴其上故名程伊川作邵康節墓誌云鳴皋在南卽此

陸渾山 在嵩縣東北四十里楚子伐陸渾之戎卽此
隋因山置陸渾縣伊水出焉一名方山

達磨洞 在登封縣西北卽達磨面壁九年處面壁石見存

豫乘識小錄

卷下

三

洛河 在府城南三里源出陝西雒南縣塚嶺山東流經盧氏永寧宜陽洛陽偃師至鞏縣北十里入黃河

伊水 在府城南源出盧氏縣閭頓嶺流經永寧宜陽嵩縣洛陽界由伊闕而北轉折而東會洛水入河

瀍河 在府城東源出穀城山東流入於洛

澗河 在府城西其源有二一出澗池縣白石山一出盧氏縣香爐山俱流至洛陽縣界會於洛

潁水 在登封縣西四十里源有二一出少室山一出

少室南溪一出乾陽山名石淙水東流合少陽河經開封府界會沙河入淮

龍潭 在登封縣東二十五里嵩山之東九潭相連其深莫測唐武后同太平公主常遊此

溫泉 有五一在偃師縣南一在嵩縣西南一在澠池縣東一在新安縣西一在府城俱極甘美冬溫夏涼

五渡溪 在登封縣東南二十五里源出嵩山東谷下流疏爲二十八浦山下大潭有石高廣平整其水潌洄者五故名東南入潁水其下產九節菖蒲

南陽府沿革

府在禹貢爲豫州之域在周爲申爲鄧爲應三國之封又爲唐鄭春秋時俱併於楚又爲鄭國滅於秦戰國屬韓秦取韓地自漢江以北置南陽郡南陽名始此以在中國之南而居陽地故名漢因秦置領於荊州刺史東漢光武起兵春陵立更始於清水上卽此後天下既定亦置南陽郡曹魏因之晉改郡爲國劉宋復改國爲郡屬雍州後魏西魏俱屬荊州後周屬豫州隋初罷郡置鄧州尋置南陽郡唐置鄧州南陽郡以山南道領之宋爲鄧州武勝軍屬京西南豫乘誠小錄

卷下

三

路金屬南京路元改南陽府府名始此明因之成化十年改汝州及魯山等四縣直隸布政使司尋增置南召桐栢浙川三縣屬南陽府國朝因之領鄧裕二州併南陽唐泌陽鎮平南召桐栢內鄉新鄉新野浙川舞陽葉十一縣順治十一年省南召入南陽縣雍正十二年復設今領州二縣十一古蹟附

謝城 在府城東周申伯城謝申伯番番旣入於謝是

也

商於城 在內鄉縣城西南秦張儀許楚商於之地六
百里卽此

葉縣故城 在葉縣南三十里春秋時楚沈諸梁邑

甘菊里 在內鄉縣其山有大菊谷水從山流下得菊
花味甚甘美故名服此水者多壽隋於此置菊潭縣

雙鳧宮 在葉縣舊縣漢葉令王喬飛鳧處

半山亭 在內鄉縣北三渡河西半山間宋浮邱居士
張舜民窪尊石刻在焉前賢題詠甚多

萊公堂 在鄧州舊治內宋寇準知鄧州後人追思爲

豫乘識小錄

卷下

三

建此堂堂下有池蒲荷甚繁韓駒詩有丞相堂下蒲荷
稠之句

清冷淵 在府城東北三十里豐山後郭璞謂清冷水
在西鄂縣卽此

諸葛草廬 在府城西南七里臥龍岡上舊爲祠奉之
明宣德中有司復新其廬塑像春秋祭祀歷代碑俱存
又裕州城東九十里有順陽石碇相傳孔明曾於此結
庵後徙南陽今石碇有小茅庵唐時石記猶存又唐縣
有諸葛莊相傳武侯莊田在桐寨舖

漢栢 在桐栢縣淮源廟凡六株有鳳翅鶴嘴玉柱諸名今尙存

百重山 在府城北七十里山巒重複所可紀者鹿鳴舞陽亂石栢禽鯉魚五山總曰百重通典云方城北有百重山卽此

豐山 在府城東山海經謂豐山有九鍾霜降則鳴卽此

胎簪山 在桐栢縣西三十里禹貢註謂淮水發源胎簪卽此又名大復山

豫乘識小錄

卷下

三

桐栢山 在桐栢縣東一里上有玉女臥龍翠蓮花諸峯淮水出焉禹貢謂導淮自桐栢卽此

方城山 在裕州東北四十里楚屈完謂方城以爲城卽此

淮瀆 在桐栢縣西二十五里四瀆之一源出胎簪山其源若井方丈許東伏地中二十五里始見爲河流經信陽確山正陽息縣固始會泗沂東入於海

二鴉路嶺 在府城北七十里分二路東北帶西而行者謂之三鴉路卽行人往來趨西洛捷徑石川爲一鴉

路口分水嶺爲第二鴉路口今在汝州界者爲三鴉路口

清河 在府城東二里名白河其源自嵩縣雙鷄嶺東南流經南陽新野會梅溪洱灌湍水留山黃渠栗鴉泗潦刁等水與泌水合流南至襄陽入漢江其水有四堰曰上石岩馬渡港蠅蠟河堰溉田六千餘頃漢存信臣所置東漢杜詩晉杜預皆增廣以種稻外唐縣有高公陂泌陽有馬仁陂亦召信臣所治爲民利皆廣

汝寧府沿革

汝寧爲禹貢豫州之域春秋時爲蔡沈賴江道栢房諸國地戰國楚魏二境之域秦爲潁川郡之西南境漢析梁沛二郡地置汝南郡以豫州刺史領之東漢魏晉皆仍舊劉宋初以汝南郡屬豫州號其城曰懸瓠後魏因之改治新蔡郡北齊治義陽郡隋初廢郡置蔡州復廢州置汝南郡屬豫州唐乾元間置豫州寶應初以避諱改蔡州汝南郡屬河南道五代漢爲防禦州宋爲蔡州淮康軍屬京西北路金爲蔡州鎮南軍元初爲蔡州後改汝寧府府名明初始此

豫乘識小錄

卷下

四

仍舊成化十八年升信陽縣爲州洪治間又增置正陽縣屬汝寧府

國朝因之領光信陽二州併汝陽上蔡確山正陽新蔡西平遂平光山固始息商城羅山十二縣雍正二年升光州爲直隸州以光固息商四縣屬焉今領州一縣八古蹟附

天中山 在府城北三里一名天台山高丈餘自古考日景測分數莫正於此

嶺呀山 在遂平縣西七十里一名嵯峨山又名玲瓏

山唐節度使李愬及吳元濟戰渣呀又黃巢由潁蔡退
保渣呀山皆此

靈山 在信陽州東南七十里山形極秀麗方輿勝覽
云靈山視衆山最高每有雲氣覆頂必兩驗之果然

葛陂 在府城西南三十里卽費長房投杖處東漢於
此置葛陂縣後廢今有葛仙廟

蒼草臺 在上蔡縣東三十里近臺有水曰蔡溝舊有
元龜素甲編身浮游其中臺之四周方廣餘二十頃有
蒼草叢生其間

乘識小錄

卷下

望

懸瓠池 在府治北門外唐李愬討吳元濟雪夜擊鵝
鶩以亂軍聲卽此俗呼鵝鴨池

平淮西碑 在府城內裴晉公廟中唐韓愈撰文歸功
裴度李愬妻唐安公主訴碑不實憲宗詔斷其文更命
段文昌爲之宋知府陳珣磨去仍刻韓文

蔡溝 在上蔡縣東南二十里白龜廟傍古有蔡河疑
卽此

柴潭 在府城北門外唐李愬平淮夜半抵懸瓠柴潭
卽此

杜溝 在上蔡縣漢杜詩開五溝以殺水勢蔡人德之故名

汝水 源出天息山東流入境經汝陽上蔡新蔡西平入淮按府誌云是郡之以水爲固者三遶乎境之北蜿蜒而入於淮者潁水也亘乎境之南逶迤而流於潁蔡者淮水也發源於雲莊諸山自西東下折而北向復自東而南曲控城之三面若懸瓠然者汝水也而考府志及通誌山川門皆無潁水名豈潁河之誤耶俟考

九里關 大隧史作廣峴又名黃峴又有白雁百雁之

豫乘識小錄

卷下

里

稱今名九里關在羅山縣境內按縣志在縣西南一百二十里

武勝關 直輦史作武陽又名大勝今名武勝關在信陽州南七十里

通志作州東南一百五十里今按府志改

與湖廣應山縣接

界按應山志在縣東一百二十里大寨嶺上雄據上流俯睨諸方

平靖關 冥阨冥與鄆同史作平靖關一名行者坡在信陽州東南九十里與應山縣接界按應山志在縣北七十里高貴山巔山有石如龜又名大龜山故有鄆阨

之稱林木叢翳怪石嶙峋車不方軌馬不並騎最爲險峻淮南子云天下有九塞鄙阮其一也按三關之稱始見於左傳楚司馬戍謂塞大隊直轅冥阮是也南北分爭時尤屬必爭之要害又按通志圖九里關在東直湖北黃陂縣武勝關在中直黃陂應山縣界平靖關在西直應山界平靖西又有黃土關

陳州府沿革

府在禹貢爲豫州之域古庖犧氏所都周初封舜後於此爲陳國後屬楚頃襄王自郢徙此秦爲潁川郡地漢置陳縣爲淮陽國治東漢改爲陳國曹魏改置陳郡晉咸平并屬梁國劉宋屬南梁郡東魏改直陳郡北齊改曰信陽後周改曰陳州州名始此屬北揚州又廢陳州置宛邱縣屬淮陽郡而以豫州統之唐復爲陳州屬河南道五代晉置鎮安軍漢廢周復置宋初爲陳州宣和升爲淮寧府金元俱爲陳州並置宛邱縣明省宛邱縣入焉屬開封府領西華商

豫乘識小錄

卷下

四

水項城沈邱四縣

國朝因之雍正二年升州爲直隸仍以西商等縣屬焉十二年升爲陳州府置附郭淮寧縣又益以開封之太康扶溝領縣七

古蹟附

揲耨壇

在州城外伏羲揲耨之所內有著草堂

八卦壇

在州城一里伏羲於蔡水得神龜因畫八卦

於此壇後有畫卦臺宋張齊賢有記

臥治閣

在州治西漢淮陽太守汲黯赴郡時以疾辭

武帝曰君雖病爲吾臥治之後人因建此閣

厄臺 在州城外西南隅爲孔子絕糧處明巡撫御史趙繼本改曰絃歌臺

宛邱 在城南三里高二丈卽詩所云宛邱之上是也柳湖 在州城西北隅相傳蘇子瞻兄弟游燕處湖中又有子由亭

桐邱 在扶溝縣西二十里左傳楚伐鄭鄭人將奔桐邱卽此

南拒臺北拒臺 俱在大康縣南二十里相去一里許

豫乘識小錄

卷下

四

卽漢王追項羽至陽夏相拒處

五子臺 在大康縣西高陵鄉書所謂厥弟五人御其母從於洛汭因築是臺

莎廳 在府治宋晏殊以故相守陳治有隙地莎叢生晏愛護之爲莎場作庭莎記

北柳城南柳城 北柳城在西華縣西北十里南柳城在縣南三十里魏正始二年欲廣田於揚豫之間爲伐吳之計鄧艾以爲陳蔡之間上下良田可令淮北屯二萬人淮南屯三萬人且田且守計除衆費歲獲五百萬

斛時柳舒爲陂長因以爲名

南頓城 在項城縣北五十里春秋時頓追於陳南徙故曰南頓光武父劉欽爲南頓令卽此

蔡河 在郡北三里許後周引汴入蔡以通陳潁之漕宋時陳蔡之粟自此入汴明初猶置七閘以通舟楫

渚河 源出河南府登封縣潁谷由禹州許州過臨潁縣入府屬西華縣境流入沙河一名潁水

沙河 源出汝州魯山縣經南陽府舞陽縣許州鄆城縣入府屬西華商水二縣境經潁水入淮

豫乘識小錄

卷下

吳

百尺溝 在府城東亦名八丈溝宋胡宗愈知陳州議古八丈溝可開復分蔡河之水自爲一支由潁壽入淮詔羅某治之政和初霍端友知陳州以陳地汙下久雨則積潦比疏新河八百里而去淮尙遠水不時洩乃益開二百里徹於淮自是水患遂去

水柵 扶溝有二河一名惠民上通朱仙鎮下通江淮一曰雙泊北通渚河南入沙河舟楫絡繹其中好究時或隨波出入爲商賈害扶溝知縣張如桓乃於橋梁處所堅置水柵兩岸復置墩堡飭兵防守經商遂無阻滯

復繪圖詳請各上臺俱嘉其能遂令沿河州縣皆仿其
式河路之清實自此始右載汝甯府志事在康熙三十
八年迄今未見仿行然實良法故備錄之水柵度如水
關之門疎櫺雙扉

豫乘識小錄

卷下

畢

許州沿革

州在禹貢爲豫州之域春秋時爲許國戰國時爲韓魏二國境秦屬潁川郡漢置許縣屬豫州潁川郡東漢因之三國魏黃初二年改曰許昌都於此晉徙潁川郡治此劉宋屬南陽郡後魏屬北陳留潁川二郡東魏屬許昌郡後周置許州州名始此改縣曰長社隋開皇初復改屬潁川郡唐置許州更置都督府五代梁置許州匡國軍唐置許州忠武軍宋元豐三年升許州爲潁昌府金爲許州昌武軍元爲許州明以長社縣省入屬開封府領臨潁襄城鄆城長葛豫乘識小錄

卷下

吳

四縣

國朝因之雍正二年升爲直隸州仍以臨襄等縣屬焉凡領縣四十二年又升爲許州府設石梁縣附郭以禹州密縣新鄭來屬共八州縣乾隆六年奉 旨仍改爲直隸州裁石梁縣禹州密縣新鄭仍歸開封府轄今領縣四古蹟附

許州古城 在州城東三十里圍九里一百二十九步相傳曹操所築今存遺址

參龍城 在臨潁城北十五里夏孔甲時劉累參龍於

此

召陵 在鄆城南二十五里齊桓公與楚屈完盟處

鳳凰城 在長葛西五十里黃霸治潁鳳集於此

受禪臺 在州西南三十里地名繁城魏曹丕篡漢時

所築有受禪碑一載受禪文一載羣臣上尊號表皆鍾

繇隸書俗呼繁城碑今模糊

飛白碑 在州北城上宋仁宗以飛白書賜翰林侍讀

李仁淑出守許州仁淑爲飛白寶章記摹石州解是也

朱晦翁字 朱紫陽書容膝二字石刻在襄邑香店舖

豫乘識小錄

卷下

晁

佟令移置靈泉山

高陽里 在州城舊名西豪潁陰令渤海苑康以荀氏

八子擬高陽氏才子八人故名

德星亭 在州西湖上陳仲弓嘗謁荀季和子元方將

車季方持杖孫長文着車中既至荀使其子叔慈應門

慈明行酒餘六龍下食文若尙少坐膝前太史奏五百

里內有賢人聚後人於所居建此亭

首山 在襄城縣南五里古傳黃帝鍊藥處史傳天下

名山有八首山其一也

潁河 在州西四十里出登封潁谷山東流經禹州入州境及襄城臨潁入於蔡達於淮郡之得名以此一名褚河未詳其義

溟河 在州北二里出禹州西北邢山東流經長葛本州入於蔡達於淮

雙濟河 在長葛北三里以溱洧合流而名溱水出滎陽會城西北鷄絡塢下東南入洧洧水出滎陽密縣西馬領山東流經長葛洧川匯爲此河

棗祇河 在臨潁北二十五里潁河之支流也曹魏時豫乘識小錄

卷下

辛

棗祇募民屯田許下引流灌溉得谷百萬餘斛因以其名名河

洄曲河 在郟城縣東南二十里蓋澧河自郟城縣東螺灣渡北流會沙河南流者又名洄曲唐元和間吳元濟屯軍之所唐史所謂蔡之精兵皆在洄曲李愬破之卽其處也

關帝祠 按州志城內有祠謂 帝秉燭達旦處又有一宅分兩院及請安亭等處皆俚俗相傳未足爲據程志智請安亭碑記未云修此亭以彰遺跡近於附會雖

然蚩蚩之氓有感斯動則夫入 帝廟而登其亭陟其
殿信爲 帝之實事則以愛敬之心生其效法於以厚
男女之別絕邪妄之心凜主臣之分篤朋友之情其有
裨於風俗人心者正非淺鮮數語極可玩誦附識之

光州沿革

州在禹貢爲揚州之域春秋時爲莒黃二國地戰國時屬楚秦屬九江都地漢置弋陽縣屬豫州汝南郡東漢因之曹魏析置弋陽郡屬豫州晉爲汝陰弋陽二郡劉宋因之東魏爲新蔡郡北齊改屬司州隋仍爲弋陽郡屬揚州唐始爲光州乾元初復爲光州弋陽郡屬淮南道五代爲光州治宋紹興改爲蔣州尋復爲光州光山軍屬淮西路元屬汝甯府明初屬鳳陽府洪武十四年復改屬汝甯府領光山固始息縣商城四縣

豫乘識小錄

卷下

三

國朝因之雍正二年陞州爲直隸仍以光山等縣屬焉領縣四 按舊志州縣同屬一府而又有以州領縣者如光州之領縣四陝州之領縣二旣無統轄之責而又有兼領之名未審其時體制云何俟考

古蹟附

南湖 南湖舊名官湖以其在南城之南又名南湖徑圓二百畝

元湖 在北郭外明郡人劉子素以其地處沮洳疏爲大壑徑圍計四頃種魚萬頭植木千章

五龍宮 去東郊一激矢遠有阜突起潢水環之若玦
上建五龍宮爲郡人禱雨之所

鳳凰嘴 東去郡八里有土阜翹起若靈鳳自空而下
其態翩躚土人因名爲鳳凰嘴

僕山 在息縣五里接光山境舊志謂唐時有僕僕生
者嘗鍊丹於此望之皆成龍虎氣山下有洞窺之正黑
持火行里許如轉羊角抵盡處有石室石榻石鐺又云
山出珉石及黑玉可爲碁子

大別山 在固始齊書謂之檀山峴水經注又謂之檀
豫乘識小錄 卷下

三

公峴其下溪流卽古雩婁水山之蟠踞歷期思安豐兩
縣地

金剛臺 在商城東四十里有石額山周回約五百餘
里東抵六安東南抵霍山上有危峯俗以金剛臺目之
宋紹興初張昂據爲砦嘉靖初築石城於山之陽爲光
州治元末余思銘又據之

期思水 舊志孫叔敖決期思之水以灌雩婁之野莊
王知其可以爲令尹

茹陂 舊志三國曹魏時劉馥爲揚州刺史興公治固始

茹陂芍陂七門吳塘諸場以溉稻田

小弋陽陂 舊志魏賈逵爲豫州刺史斷山溜長溪水造小弋陽陂以利民民多便之

廣豐陂 舊志宋都官員外郎張公來知新息卽青陂舊址潞河間河之水爲渠以灌溉開其南以疏洩凡爲陂三十有八民樂其利名其陂曰廣豐

史河 在固始縣東二里源出牛山東北流入淮按志光州合州水利惟固始史河最鉅東開兩壩共資史水者百三十里分注清堪注於清者九十里注於堪者四

豫乘識小錄

卷下

五

十里外又有柳溝口曲河白鷺河急流澗羊行河皆資灌溉之利故豫省稷稻皆仰給於固始云

古城 在州城東三十里唐朱全忠以軍四十萬攻淮南屯光州築城十二刺史柴再用嚴守備城得免故世傳十二連城云

浮弋山 通志云在州北八十里淮河濱又名濮公山濮公鍊丹光浮於天州與邑因之而名州志據路史云黃帝之裔孫分封於光州以此得名宋改爲蔣州以周公第三子封於蔣班志云汝南期思里古蔣國楚滅之

爲期思云

豫乘識小錄

卷下

五

陝州沿革

州在禹貢爲豫州之域周爲西虢地武王封王季子虢仲於上陽卽此成王以周召爲二伯陝以東周公主之陝以西召公主之春秋晉人滅虢遂有其地晉分入於韓秦屬三川郡地漢置陝縣屬宏農郡東漢曹魏晉劉宋皆因之後魏爲北陝縣爲陝州州名恒農郡治後周又於縣置靖郡隋大業初州廢縣屬河南南郡唐武德元年於縣復置陝州乾元元年改爲陝郡五代復爲陝州治宋以硤石縣省入爲陝州保平軍金元俱爲陝州治明以陝縣省入陝州

豫乘識小錄

卷下

五

屬河南府領靈寶閿鄉二縣

國朝因之雍正二年陞陝州爲直隸州仍以靈閿屬焉十二年又以盧氏縣來屬今領縣二

古蹟附

虢州城 在靈寶縣治南四十里周封虢叔於此唐置州

弘農故城 在靈寶縣城南十二里函谷關東漢徙關於新安以函谷關爲弘農郡卽此

陝石廢縣 在州城東七十里唐天裕元年置宋熙寧

一二年省爲石壕鎮今改爲硤石驛。

鷄鳴臺 在靈寶城南二十里齊田文客詐鷄鳴夜度關處後人於此築臺

望氣臺 在靈寶城南二十里春秋時關令尹喜見紫氣高丈餘飛入關曰必有異人過此翼日果遇老子駕青牛至後人築臺因名

草堂 在州城東北宋魏野居此手植竹木清泉環繞旁對雲山鑿土袤丈曰樂天洞前爲草堂真宗祀汾陰召之不至詔圖其居觀之

豫乘識小錄

卷下

七

陝原 在州城西南二十五里周召分陝以原爲界又州北城上有石柱相傳爲周召分陝時所立

萬錦灘 在州城外西南黃河岸今報水長落多以灘爲據

甘棠樹 在州城召伯祠池西

集津倉 在陝州三門東唐開元二十二年於三門置集津倉鑿漕渠十八里以避三門之險

底柱山 在州東四十里黃河中禹貢導河東至於底柱卽此石形似柱故名

三門山 在州東底柱上流百餘步禹導河鑿以通流南曰鬼門中曰神門北曰人門隋開皇中復鑿之以通漕運唐開元中又鑿之太宗命魏徵勒銘尙在

公主河 在州東北四十里三門山左唐開元中鑿渠通漕以避三門之險百丈許復入河

荆山 在閔鄉縣南三十里黃帝采首山之銅鑄鼎於荆山卽此

茅津 在州城北四里一名陝津一名太陽津春秋秦伯伐晉自茅津濟封嶠尸而還卽此

豫乘識小錄

卷下

美

玉溪澗 在閔鄉縣西南五十里源出秦山其色清冷如玉經文底鎮北入河

夾灘 在靈寶縣北金天興初義軍張信侯集壯士三百餘人於夾灘立寨元將乘淺攻之不能克卽此

鐵牛 在州城北黃河中首在河南尾在河北世傳禹鑄以鎮河患有廟

鐵人 在州治南譙樓下秦始皇鑄金人十二董卓毀其九爲錢所存者石勒取置鄴符堅又徙之未至而亂其一爲民推入河中今存二人傳謂所遺者

汝州沿革

州在禹貢爲豫州之域周爲王畿地春秋時楚鄭二國之境戰國屬韓後屬魏秦屬三川郡漢置梁縣屬河南郡曹魏晉俱因之後魏屬汝北郡東魏置北荊州隋初置伊州大業元年始改曰汝州州名如此以汝水爲名尋改爲襄城郡以梁縣屬之唐初爲伊州襄城郡貞觀八年更名汝州天寶更郡名曰臨汝郡屬河南道五代梁爲防禦州後周以臨汝縣省入焉宋復爲汝州政和間陞陸海軍節度屬京西北路金廢軍州縣如故屬南京路元仍舊明洪武初省豫乘識小錄

卷下

弄

梁縣入焉屬南陽府成化六年改直隸州領魯山郟二縣十年增置寶豐縣十二年增置伊陽縣以屬之

本朝因之領縣四

古蹟附

望嵩樓 在州治西子城內唐時建一名汝陽樓

琴臺 在魯山縣城北唐元德秀爲尹時築顏真卿有文前賢題詠甚多金趙秉文書琴臺二字刻於石

巢父井 在州城西郭門外其旁有許由廟宋宗舜臣刻王通叟弔巢父文於石

汝帖碑 在州治內凡十二刻寇亂殘破順治七年巡道范承祖修整并詩跋二十四刻移置道署賓館

顏魯公碑 在魯山城北四十里青條嶺爲元次山墓誌銘碑記今移學宮內

虞世南碑 在伊陽縣學宮後壁書攀龍附鳳四字字大如斗體勢道逸

古槐 在寶豐縣城東四十里白雀寺相傳槐陰甚盛枝節如龍形葉如龍爪螻蟻不敢上每豐年必有白雀巢其上寺因以名

豫乘識小錄

卷下

卒

風穴山 在州城東北二十里上有穴風將作穴中先有聲松栢翳鬱與諸山異

崆峒山 在州城西三十里廣成子隱此有墓在焉按地理志崆峒有四一在安定一在臨洮一在平涼莊周述黃帝問道於崆峒遂言遊襄城登具茨訪大隗皆與此山接壤疑此爲近

小峨嵋山 在邠縣西北三十五里其形類蜀之峨嵋宋蘇軾謫汝州團練愛此山欲爲葬地因表茲名示不忘本也後與弟轍俱葬此有碑記

天息山 在伊陽縣西汝水出焉

汝河 在州城南五里源出天息山經伊陽過州境東流合扈澗水達於淮

洗耳河 在州城西門外源出登封縣箕山相傳許由洗耳於此

伊水 在伊陽縣北六十里出熊耳山經嵩入伊陽境北至偃師入洛

玉帶河 在寶豐縣北門外發源青條嶺自城西環繞而東至東南境上入汝河明知縣黃泰濬治名曰玉帶

豫乘識小錄

卷下

全

河

滄水 在魯山縣東三十里

龍泉 在州城西南五里餘其水瑩潔中秋之夕陰雲蔽月俯觀泉中月影自若

溫湯泉 在州城西南四十里源有九眼東南流入廣成澤可療疾蘇東坡所記湯泉七其一汝水卽指此魯山又有溫泉湯商后常浴其處載水經下泉水熱如沸中泉平溫上泉微溫去縣六十里居民引爲沐浴浴池能愈瘡痍宿疾

關塞形勝說

自古言地理之學者通典數言盡之曰辨區域徵因革知要害察風土所謂知要害者在關塞形勝而已周禮夏官之職有司險焉掌九州之圖以知其山林川澤之阻而達道路山林之阻則開鑿之川澤之阻則橋梁之而其阨塞之宜阻者率無得通謂之司險管子凡兵至必先審知地圖侵軼之險濫車之水名山通谷經川陵陸邱阜之所在苴草林木蒲葦之所茂道里之遠近城郭之大小名邑廢城困殖之地地形出入相錯之所然後舉錯不失又月令

豫乘識小錄

卷下

三

孟冬之月命百官固封疆備邊境完要塞謹關梁塞蹊徑邱濬謂專爲邊境言夫邊境之備於要塞則完之以扼其要衝於關梁則謹之以限其出入於凡鳥獸往來之徑樵採攀躋之區亦無敢不致其謹此胥固圉之要畫也豫州地處土中際邗隆之代險塞宜無庸考然

國家設汛置防彈壓宇宙似亦不可不加講求焉按豫南與楚鄰則光固襄鄧諸山當其南鄙西連陝洛嵩嶽潼陝爲障西北則太行蜿蜒綿亘直接神京北以漳爲阻東則淮潁交匯沮洳之鄉亦山河四塞之地也西南一帶山險

通楚通陝通晉關隘林立腹心則虎牢

在汜水

河陽在孟津

轅在登封

遺基可尋志乘之書宜詳考往古世代分合攻取

利鈍而列於篇又宜將邊境隘塞孰為通行孰為間道孰有屯堠孰宜修塞為圖說俾守土者平時得以講求一遇偵緝颺逃之犯亦可指示發踪或有竊發宵小即時四面張羅使弄兵潢池者如巢幕之燕如釜底之魚而稽古讀史之士亦可藉以明沿革而知通塞雖屬紙上之談一如親履其地斯為不妄災楮墨耳乃覽豫志之談形勝者一則曰大河蜿蜒嵩高聳峙再則曰水陸都會天下咽喉其豫乘識小錄

卷下

三

誌關塞也則曰某關在某縣某方若干里而已當事者何以運處置之機宜考古者何以鏡往古之戰守愚既憾行筭無書見聞淺渺未能遂其微尙姑就豫志而列書其名以俟居稽之再為詳核云

開封府

臨蔡關

在府城東南周顯德中復開河入蔡河命水軍駕戰艦沿穎入淮以伐南唐置

關於此後廢土人仍呼其地為關頭

通津關

在府城東北埽頭周顯德初疏

置關於古嶠關

在汜水縣西二里漢

此後廢日虎牢明日古嶠關

歸德府

武津關

在府城東南

桃源關

在甯陵縣北四十里

彰德府

固鎮關

在武安縣西五十里

偏店關

在涉縣北

博望關在

黃縣東南十二里
接衛輝府汲縣界

衛輝府 延津關 在府城東南
臨清關 在新鄉縣東北二十里唐特置
侯趙川

關 在輝縣西北
鴉子口關 在輝縣西七十里
香臺關 在延津縣北沙門鎮
金隄關

在廢滑縣臨河西南五
十三里隋大業時築

懷慶府 大斛關 在府城北二十里太行山唐置
碗子城關 在府城北二十里太行山

畔羊腸所經 孤嶺關 在濟源縣西
邵原關 在濟源縣西
軹關 在濟源縣西兩

實險隘之地 阻戰國時置 穆陵關 在武陟縣木蘭店踞武
河陽古關

在孟縣西南 黃河關 在孟縣南
黃河北岸

河南府 龍門關 在府城南
大栗關 在鞏縣東南
孟津關 在孟津縣東北黃河

豫乘識小錄 卷下 六

南 趙保鎮關 在宜陽縣西南
轅轅關 在登封縣西三十里
石羊

關 在登封縣東南
崇陽關 高關 俱在永甯縣西
鵝鵝關 在永甯縣西
河底

關 在永甯縣東北
函谷新關 在新安縣東二里
南村關 在滎池縣北九十里
白陽關

在嵩縣西 舊縣鎮關 在嵩縣西七十里
沒大嶺關 在嵩縣南一百里
栗川鎮關

在盧氏縣東 朱陽關 在盧氏縣西南
白華關 在盧氏縣西
杜館鎮 在盧

六十 青石關 在盧氏縣西沙
里 南陽府 魯陽關 在府城北
石峽口關 在唐縣東北
象河關 在泌陽

一百二 桐柏關 在桐柏縣東
塌河關 在鄧州城南
西峽口關 在內鄉

荆子口關 在內鄉縣西
黨子口關 在內鄉縣西南
金斗關 在內鄉縣東北
馬尾

關 在內鄉縣卽秦漢阻陽故城後魏置花園頭關 在浙川縣西北

仙翁關 在裕州 昆陽關 在葉縣西南 鴉路鎮關 在南召縣東北

汝甯府 楊埠關 在府城東 竹溝鎮關 在確山縣西南 明港

鎮關 在確山縣 平靖關 在信陽州東南九里一名冥塞 恨關 在信陽州西南 黃

土關 在信陽州西 平常關 在信陽州西北六里 長臺關 在信陽州

北 武勝關 在信陽州東南一百五十里 大埠關 在信陽州東

九里關 在羅山縣南一百二十里 破關 在羅山縣南 大勝

關 在羅山縣南 一百四十里

汝州 龍門關 在州南大龍山下 歇馬嶺關 在魯山縣西 上店鎮

豫乘識小錄 卷下 奎

關 在伊陽縣西 不抹關 在伊陽縣西南

陳州府 龍王關 在府城西北 瓦關 在州南 常社關 在西華縣

里 界首關 在沈邱縣 南頓關 在項城縣 北五十里

陝州 峽石關 在州東七十里 太陽關 在州西 雁翎關 在州城

通永 號畧關 在靈寶 火燒關 在靈寶縣南 函谷舊關 在靈寶

里 轆轤關 在靈寶縣西十里南通 大谷關 在閩鄉縣西 潼

關 在閩鄉縣西六十里 與陝西華州分界

光州 木陵關 在光山縣南百三十二里 齊陳接境 山鎮關 在光山縣 五關

在光山縣西南口白沙門斗嶺 朱皋鎮關 在固始縣東 定

黃土嶺修善衝宋紹興間建

城關

在固始縣南一百二十里北齊置隋廢

五水關

在固始縣西南一百三十里古有隘口

莊鎮關

在息縣北九十里

金剛臺關

在商城縣南三十里

屯嶺關

在商城縣南一百二十里

十里界連
麻城嶺

昔晉司空裴秀嘗作禹貢地域圖十八篇其序曰制圖之體有六一曰分率所以辨廣輪之度也二曰準望所以正彼此之體也三曰道里所以定所由之數也四曰高下五曰方邪六曰迂直此三者各因地而制宜所以校平險之異也六者作圖之法備矣惜其書不傳後唐賈耽作華夷圖亦稱於世嘗謂地理之學百聞不如一見又爲轉語云

豫乘識小錄

卷下

六

十說不如一圖古人之圖史並重者以此愚意有方向之任者可飭沿邊及腹地有山險州縣各勘明本境某山周回約幾里高約若干丈與傍近山或聯或斷距州縣治若干某水出某山流接某縣山內通行之路凡自某縣某堡入境至某縣某地出境有無兵營分防官司又有樵路若干條可爲至某處捷徑或古設有某關今有無基地再註明四至八到並爲說按縣呈送再繪爲總圖統爲之說則一省之形勢瞭然矣漢入關中蕭相國先入丞相府收圖書然後知天下扼塞戶口唐時每州亦造送圖經皆此若

得數同志者卽所莅之地各成一圖彙齊可成大觀與古之裴賈方軌並駕而守土稽古者皆得有所考鏡矣嘗閱各志見張應科林縣險要圖說甚簡核可法附錄之以待有心者之則倣云

張應科林縣險要圖說此林縣西山之險要也險隘處所均屬太行之支節其北繇百餘里而入有馬塔口洪梯口迤南則爲蟻尖寨寨之南爲魯班壑又南則有斷金橋風門口東峻坂崔八口關牆嶺距邑七十餘里而上總之南北相連人跡可及其險而當守者首蟻尖寨

豫乘識小錄

卷下

七

次斷金橋其餘則崎嶇樵徑車不得方軌馬不得成行上下爲難無容慮矣何者蟻尖寨西北距縣四十里繇姚村迤西五六里爲東寨門口上黃蒼巖等泉十處中有古營房教場其南繇小蟻尖寨大蟻尖寨古巖口東蓋頭泉小明清水泉至西蓋頭泉距營房約二十五里餘獨有巖東西蓋頭泉各有樵徑可攀援而上宜剗削之以絕蹊逕又自教場北繇朱路巖之斷頭崖距營房約十餘里而朱路巖亦有樵徑宜剗削其北柳樹水泉百戶水泉磴白焦水泉俱營房正西山西漆樹溝水泉

南柳樹水泉蓮花水泉俱大蟻尖山後西面凡水泉皆可資軍用斷頭巖至西蓋頭泉南北三十五里東寨門至寨西後溝東西濶十五里總周八十里而多後溝有通山西蹊逕已經堵截往來而法久令廢幾成大路乃令剗削只留一面上下便於防守足矣其斷金橋去縣西南五十里繇桃源店西上有水泉一道與山西平順縣接界險峻一橋可度一人倘一夫當關真萬人之莫敵東西咽喉行者絡繹至蟻尖寨下險上平水泉數十可屯萬軍曹魏高齊倉屯瓦礫猶有可辨自古防之矣

田渠說

嘗閱農桑要訣有曰陸田者命懸於天人力雖修水旱不時則一年功廢水田制之由人人力苟盡則地利可興旨哉其言也然江淮之間熟於水利官陂官塘處處有之民間所自爲溪堰水蕩大可灌田數百頃小可灌田數十畝至民間買賣田地先問塘之有無大小且歲時修葺固之使無滌鑿之使有歸田間似有棄地而實地無餘利矣惟西北高亢之地多置水利於不講雨潦之年但受水害而已其實如關西之鄭國白公六輔關外之嚴熊龍首諸渠

豫乘識小錄

卷下

堯

何嘗不以灌溉稱沃壤况豫州河內有史起十二渠南陽有召信臣鉗盧陂潁川有鴻隙陂陳蔡之間有鄧艾棗祇等屯田過潁水所作諸陂俱可化平疇爲陸海生稻梁於斥鹵然凡民可與樂成難與圖始昔西門豹鑿漳渠邑民苦之豹曰當令百歲後父老子孫思我耳然又苦經畫者之泥古而強爲而不知順水之性夫苟通其性而熟其法則山泉可用平地之泉亦可用大川可用積潦亦可用明徐伯繼西北水議云制水之法高則開渠卑則築圍急則激取緩則疏引此卽周禮稻人蓄水止水蕩水均水舍水

瀉水之遺意也中州水利如賈待詔所謂卽河水穿渠灌田以殺水勢史公西門堰漳流而富鄴下等法今河則重隄矗立尙虞其衝決漳流悍疾且時有遷徙此萬無可議者開封歸德陳州數爲河決沙淤故渠堙沒故但有洩水溝渠以求水不爲害而已西南一帶山溪下注勢如建瓴間有平衍停蓄之處引水灌田爲數甚寡其以水利著者西北則懷慶各屬東南則光固等州縣光固之間與吳楚近其民旣習於陂堰塘泊等務而史曲諸河交貫其中秔稻之利通省仰給河內濟源等處則分濟瀆丹沁之餘潤

豫乘識小錄

卷下

十

而勝國河內令袁公應泰所建之廣濟渠爲著渠卽古枋口晉司馬孚易以石晉之沁水至是入豫境古址久堙袁公令河內相度水勢鑿石山爲洞置閘可啟閉引水出洞口東南流歷濟河温武四縣界又數分支流以資傍潤其自著廣濟渠申詳條款碑記詳著其用水護堰諸法甚晰良可寶貴

見省志藝文類

然其創始之艱用力之勤亦可概見百

泉之水亦可廣溉灌之利特衛水用以濟運設立斗門石堰定例自三月朔至五月中旬三日濟運一日塞口灌田其餘日但資竹絡埧涓涓之流雖無妨於農業而亢旱之

時不無嗷嗷此亦不能兩顧之勢也恭查雍正三年因直隸水潦奉

上諭命直隸興修水利怡親賢王主其事大學士朱軾

高安人號可亭諡文正副之徧閱三輔經歷高下籌酌蓄瀉一切引

水灌田之法分設四局曰京東局曰京西局曰京南局曰天津局自五年興工至七年成水田六千餘頃至今猶有霸州豐潤二營田司其事經營顧不在人哉然宋熙甯間興復水利銳意輕聽蘇東坡劄子有謂廢陂古堰有建設者不量其事之能否無不妄與興修劉原父有開泊以瀉

豫乘識小錄

卷下

圭

梁山濼之水可得八百里田之謔則浮議亦不可妄採矣當事者如慨然以斯事爲己任無難檄下郡邑飭將境內有無川澤及建渠引灌係用何水與某郡縣連接某渠灌田若干頃畝頃長闊頭若何分日用水並治內有無古堰堪以興復有無源泉可以挹注繪圖詳說使觀者於宜修宜創之故瞭如指掌則全局在握遇疏濬之工指據有方或以爭渠致訟亦可按圖立斷洵不無小補也茲將通志所載灌田之渠列之別方其有古渠今湮者亦間著之以待留心者之咨訪云

安陽縣

萬金渠 在縣西三十里即高平渠引洹水灌田

蜀渠 在縣西二十里源出蜀村溉田百餘里

珍珠泉 在縣西四十里東流入洹民激之為磴數十又溉田數十頃

臨漳縣

西門渠 在縣西南魏西門豹所造漳水以灌田今湮

天井堰 在縣西南魏史起為鄴令堰漳水以灌田今湮

利物渠 在縣南百陽渠 在縣西南看臺社顯王社

金鳳渠 在縣西南菊花渠 在縣東南皆引水灌田

豫乘識小錄

卷下

圭

鷓鴣陂 在縣東北四十里周圍東西十五里南北十里洹水注之有荷葦魚鼈之利

涉縣

城西渠 在縣西溉田千畝又引水入城資用

任公渠 在縣西由七里村山前引漳水灌田三十餘頃萬歷間知縣任澄清創鑿

汲縣

伏水屯 在縣北二十里其水下伏掘之即有泉可以灌稻

王莊渠 在伏水屯後水宜稻

新鄉縣

槐林閘 在縣西北二里水宜稻

輝縣

蘇門山百泉渠

在縣西五里其泉沸湧如珠引以灌田為利甚溥即衛河之源也經議自

河內縣

千倉渠

在府城西用濟水分上二堰又分五閘灌田

廣濟渠

在縣北即古枋口萬歷時河內令袁應泰鑿山穿洞懸閘兩岸之間受水則啟障水則閉其水由濟源河內孟縣溫縣武陟至唐郭長一百五十里分為二十四堰民至今利之

通濟支堰等九渠

在縣北丹河東岸引溉一百餘村

上清等六渠

在縣北引丹水灌田兩岸共九渠分九堰故俗呼九道堰

豫乘識小錄

卷下

三

惠民渠

在府城西北三十里明太守紀誠引堯池水以溉民田凡二十餘里

濟源縣

永利河

在縣東自五龍口東南流至本縣北官莊村東北河內縣界止長二十里灌田仍屬沁水也

小撥河等四渠

皆在縣東北引水灌田

孟縣

餘濟渠

在縣東北十八里灌田

溫縣

大豐堰等八渠

皆在縣西北由廣濟渠分流灌田

洛陽縣

周陽渠

在縣西南又名漢陽渠亦謂九曲瀆漢建武時張純上言穿陽渠堰洛水為漕公私獲益

章帝時何敞修理洛陽四渠灌田三萬餘頃

洛水渠

在城西二十五里引洛水灌田

伊渠

在城南二十五里引伊水灌田

大明等五渠

皆在縣東南引水灌田

偃師縣

溫泉

在縣東二十里雍正五年疏濬灌田

宜陽縣

豫乘識小錄

卷下

古

宣德宣利上下等三渠

宣德在縣西六十里宣利上在縣西下在縣東皆引水灌田

永甯縣

宣利等十二渠

距縣東西南三面皆引水灌田

盧氏縣

澗渠

在縣東引沙河水由東門環城而南民資灌漑

文峪渠

在縣西十里引文峪水灌田

南陽縣

上石堰等三十一渠

縣境有清河栗河潦河三水繞易引為渠下逮新唐皆資灌

唐縣

召渠

在縣西漢召信臣守南陽障水漑田民賴其利唐盧庠為刺史復修之增良田四萬頃者云召

渠垂高瀉水類關中鄭渠宋熙寧五年常平提舉使陳世修請於唐縣石橋南北岸累石為虹橋架淮水如東西召渠灌注九子等十五陂可使二百里間水利均決議不果行識者惜之

馬仁陂

在縣北泚水合泉流滙為陂澤漑田萬頃又縣有三大陂皆漢唐遺跡也宋太守趙尙寬

按視圖記一一修復皆漑田萬餘頃又教民自為支渠轉入浸灌四方之田為利甚溥

泌陽縣

馬仁陂

在縣西北七十里與唐縣接境上有九十二岔悉入陂中周回五十餘里四面山圍惟東

豫乘識小錄

卷下

圭

南隅瀉水漢召信臣築壩使水不泛溢復立水門以時啟閉分流碌礮等二十四堰漑田萬餘頃

桐柏縣

萬糧古陂

在縣西廣一頃四十二畝周圍隄高一丈其水灌田

鄧州

按州志又有禹山泉流漑田

六門陂

在州西漢召信臣所建斷湍水立灤西石場至元始五年更開三門為六石門故號為六

門陂漑灤與新野涅陽三縣田五千餘頃晉杜預復請開廣之

鉗盧陂

在州東南六十里亦曰玉池澤陂漢召信臣初建築堰引刁河水灌田三萬頃內有東西

中三渠後杜詩為守又修復其業故有召父杜母之稱

楚堰

在州西北六十里晉杜預所建引湍水高下相承凡八重周十里灌田千餘頃

園柳等三陂俱在州東南引

內鄉縣

湧泉 在縣西廣八尺水極清自下湧出的礫如珠溉田甚廣

揣宗堰等四渠 係承端水河水

菊潭 在縣北源出西北石礪山匯為潭旁生甘菊其水甘可以溉田人飲之多壽

新野縣

樊陂 在縣西北東西十里南北五里漢樊重開此陂以灌田因名

豫章陂 在縣東南灌田三千餘頃

葉縣

豫乘識小錄 卷下

美

昆水三堰 上堰在縣西南中堰下堰在縣東南引昆水以灌田

汝陽縣

鴻卻陂 在縣東十里淮水溢而為陂漢成帝時翟方進為相議決去陂水其地肥美且可省隄防費而無水憂奏罷之後歲旱民失其利建武十八年鄧晨為汝南太守復修之因高下取勢起塘四百餘里數年乃就郡賴以富亦曰鴻隙陂安帝永初三年詔以陂假與貧民自是日就頽廢宋秦觀曰鴻卻陂非特灌漑之資蒲魚之利實一郡瀦水處也陂既廢水無所歸故散漫而為患云

賈侯渠 在縣東魏賈逵為刺史過郟汝之水造新陂通運渠二百餘里以修水戰之具人因以為利

蒼陵堰 在縣西南唐刺史夏夔建堰汝水灌田千頃汝人作夏侯歌以美之

正陽縣

石塘陂 在縣西北二十里東漢永平五年汝南太守鮑昱堊石堰水溉田數百頃

新野縣

銅陽渠 在縣北七十里水經葛陂東出為銅水俗謂之為三丈陂自銅陂東注而為富水漢和帝

時何敞為汝南太守修之溉田三萬餘頃

青陂 在縣西南上承正陽之瀕水灌田五百餘頃

西平縣

二十四陂 在縣西七十二里魏時鄧艾所造以溉民田

羅山縣

豫乘識小錄

卷下

七

武湖 在縣西五十里畜水灌田凡三百餘頃

西湖 在縣西南二百三十里灌田百頃

大乘寺泉 在縣西南百二十里引流灌田利甚溥

汝州

黃陂 在州西四十里即古廣成澤源出鳴皋山合於汝水周圍百里有灌溉之利

西湖 在州西八里水四時不竭溉田甚廣

仁義渠等二十七渠 皆引汝水灌田

寶豐縣

石渠 在縣南昔人築堰灌田甚多

魚兒陂 在縣北明洪武年引石河水灌田無多

淮甯縣

陳佗溝 在縣北十里上承安仁溝流入州郭以灌田

翟王渠 在縣東唐趙翊為忠武節度使按鄧艾故蹟決此渠溉田

西華縣

鄧門陂 在縣西唐邑令張餘慶因廢陂修治引潁水以灌田因以為鄧艾故址故名

棗祗河 在縣西南十八里三國時棗祗鑿川灌田

許州

秋湖 在州東二十五里又名東湖湖本二合而為一潁水貫其中多魚鰕菱芡蒲葦之利元時設提

豫乘識小錄 卷下

三

領官主其課

靈井 在州西三十里灌田數百畝

臨潁縣

棗祗河 在縣北三十里曹魏時棗祗募民屯田許下引潁水支流灌田得谷數百萬斛

鄭州

圃田澤 在州東三十里鋪為澤者八為陂者三十六高者可耕窪者成堰

潮河 在州東南三十里又名棗河可灌田

靈寶縣

中水等三渠 俱在縣東南引蓄水灌田

閔鄉縣

廓渠 白縣東南二里引水而西遠城北折灌田數頃

光州

小弋陽陂 在州東魏賈逵為豫州刺史所造以溉田

亞港 在州東二十五里引潢水及白露河水以溉田

馬宗湖 在州西潞水灌田

光山縣

雨施陂 在縣南唐永徽四年開溉田百餘頃

固始縣

豫乘識小錄

卷下

堯

史河上支 名曰清河在縣東共十一閘灌既東西四

水有次第時日

史河下支 名曰堪河在縣東共七閘灌

曲河上壩 在縣西距城四十里共七閘灌

曲河下壩 在縣西西北距十五里共五閘灌

白露河 在縣西北共三閘灌既東

急流澗 在縣南一閘灌既東

羊行河 在縣東南一壩灌既東

息縣

玉果渠 在縣西北五十里隋故渠也唐開元
長浚之灌陂六十所溉田三十餘頃

商城縣

太湖

在縣北四十里周
五里瀦水灌田

杭陂湖

在縣東北四十里
長五里瀦水灌田

豫乘識小錄

卷下

八



